







16

1765

1765



MISSÆ
PROPRIÆ
PATRONORUM

ET

FESTORUM
REGNI POLONIÆ

ET SUECIÆ.

AD NORMAM

MISSALIS ROMANI

ACCOMMODATÆ.

ACCEDUNT

MISSÆ QUÆDAM NOVISSIMÆ.



CUM LICENTIA ORDINARI.



VRATISLAVIÆ,

TYPIS ACADEMICIS, MDCCCLXXVI.

MISSÆ

INDEX

PATRONORUM ET FESTORUM

REGNI POLONIE & SUECIAE.

FESTA DECEMBRIS.

- Die 4. S. Barbaræ V. & M.
- 5. S. Petri Chrysologi Ep. Conf.
- 10. Translatio Almæ Domus Lau-
- retanæ.
- 18. Exspectatio Partus B. V. M.

FESTA JANUARII.

- Die 19. S. Henrici Episc. & Mart.
- 21. S. Agnetis V. M.
- 23. Delfonsatio B. V. M. comm. S.
- Josephi & S. Emerentianæ.
- 23. S. Joannis Eleemosynarii Ep.
- Conf.
- 24. Translatio S. Erici Regis &
- Martyris.
- Dominica II. post Epiphan. Festum
- SS. Nominis IESU.

FESTA FEBRUARII.

- Die 1. S. Brigidæ V.
- 4. S. Ansgarii Ep. & Conf. P. R. S.
- 6. S. Dorotheæ V. M.
- 9. S. Apolloniæ V. M. Patronæ
- R. Polon.
- 10. S. Scholasticae V.
- 13. S. Catharinæ de Ricciis.
- 19. S. Conradi Placentini.
- 23. S. Margaritæ de Cordona V.
- 25. S. Sigfridi Episc. & Conf.

FESTA MARTII.

- Die 1. S. Albini Conf. Pont.
- 2. S. Helene Vid.
- 4. S. Casimiri Conf.
- 5. Translatio S. Wenceslai M.
- 9. S. Catharinæ Bononiensis, Ord.
- S. Franc. Min.
- 10. SS. Cyrilli & Methodii Conf.
- Pont.
- 17. S. Gertrudis V.
- 18. S. Gabrielis Arch. Angel.
- 23. S. Catharinæ Vastanensis V.
- De Spinea Corona Domini. Feria VI.
- ante Dominic. Passion.
- De Lancea & Clavis Domini. Feria VI.
- post Dominic. in Albis.

FESTA APRILIS.

- Die 23. S. Adalberti Ep. M.
- 24. S. Georgii M.
- Dominica II. post Pascha, SS. Sepul-
- chri D. N. J. C.
- Dominica III. post Pascha, Festum Pa-
- trocinii S. Josephi.

FESTA MAJI.

- Die 2. S. Sigismundi Regis M.
 - 4. S. Floriani M.
 - 8. S. Stenislai Ep. M.
 - 13. S. Servatii Ep. Conf.
 - 16. S. Joannis Nepomuceni M.
 - 18. S. Erici Regis & Mart.
 - 25. S. Joannis de Preo M.
- Dominica V. post Pascha, Dedicatio
- Basilice Assisiensis.

FESTA JUNII.

- Sacratissimi Cordis IESU, Fer. VI. post
 - Ostav. Corporis CHRISTI.
 - Die 3. S. Erasmi M.
 - 13. S. Antonii de Padua Conf.
 - 16. S. Bennonis Ep. Conf.
 - 19. S. Bonifacii Ep. M.
 - 21. S. Aloysii Gonzaga, Conf.
 - 22. S. Aeschili Episc. & Mart.
 - 27. S. Ladislai Regis Hung. Conf.
- Dominica I. post Octavam SS. Petri &
- Pauli Festum SS. Patronorum
- Regni Suecæ.

FESTA JULII.

- Die 7. S. Palcheriæ V.
 - 9. SS. Martyrum Gorcomiensium.
 - 13. S. Margaritæ V. Mart.
 - 15. Divisio SS. Apostolorum.
 - Comm. S. Davidis Abbatis.
 - Die 16. SS. Eremitarum Andreæ & Be-
 - bredi Martirum.
 - 18. S. Simonis de Lipnica.
 - 19. S. Joannis de Dukla.
 - 20. S. Ceslai Conf.
- Dominica proxima post 24. Julii S. Cu-
- negundis Virg.

Die 21. S. Hieronymi Emiliani C.

— 24. S. Camilli de Lellis Conf.

— 26. S. Christinæ V. M.

— 28. S. Bodvidi Martyris.

— 29. S. Olavi Regis & Martyris.

— 31. S. Helena Vid. & Mart.

FESTA AUGUSTI.

- Die 2. Commemoratio S. Catharinæ
 - Vastanensis V.
 - 16. S. Rochi Conf.
- Dominica proxima post Festum Assum-
- ption. B. V. M. S. Hyacinthi C.

Die 18. S. Claræ de Monte Falcon. V.

— 19. S. Benignæ V. M.

Dominica post Octavam Assumption.

B. V. M. Translatio S. Casimiri C.

- Die 21. S. Joannæ Franc. Fremiot de
- Chantal.
- 27. S. Josephi Calasancii C.
- 29. S. Sabinæ M.
- 30. S. Rosæ Limanæ V.
- 30. SS. Felicis & Adaucti.

FESTA SEPTEMBRIS.

- Dominica I. Septembribus Festum Reli-
- quiarum Dicec. Varm. & Samb.
- Die 1. B. Ladislai de Gielniow P. R. P.
- 6. S. Rosalia V. Panormitanæ, vel
- Rosæ de Viterb. Virg.
- 10. S. Dalmatii M.
- 18. S. Josephi a Cupertino C.
- 24. SS. Tyrsi Palmati & Soc. MM.
- Dominica post Festum S. Matthæi Fe-
- stum Reliquiarum Ecclesiæ
- Upfalensis.
- Die 26. S. Josaphat Ep. M.
- 27. Transl. S. Stanislai Ep. M.
- 28. S. Wenceslai M.

FESTA OCTOBRIS.

- Die 6. Translatio S. Aeschili.
- 7. S. Brigitæ Viduæ.
- 10. Festum Gratiarum actionis pro
- Victoria ex Turcis obtenta.
- 10. SS. Gereonis & Soc. MM.
- 10. Feria non impedita, S. Ludovi-
- ci Bertrandi Conf. non Pont.
- 15. S. Hedwigis Viduæ.
- 15. S. Theresiæ V.
- 16. S. Brannonis Ep. M. Apostoli
- Pruss.
- 20. Translatio S. Adalberti Episc.
- Mart.
- 21. S. Ursulæ & Soc. VV. MM. cum
- comm. S. Hilarius Abb.
- 23. S. Joannis a Capistrano Conf.
- Dominica 4. Octobr. S. Joannis Cantii
- Conf.
- 28. S. Petri Paschafii Ep. & M.
- 31. S. Wolfgangi Ep. Conf.

FESTA NOVEMBRIS.

- Dominica I. post 13. Nov. S. Stanislai
- Kostka C. P. R. P.
- Dominica II. Noveinbris Festum Patro-
- cini B. V. M.
- Die 12. SS. Quinque Fratrum Polono-
- rum MM.
- 15. S. Gertrudis Virg. Abbatisse.
- 17. S. Salomeæ V. Reginæ Halicieæ.
- 19. S. Elisabeth Viduæ.

MISSÆ.

Bien. SD 136 (6)

MISSÆ.

FESTA DECEMBRIS.

DIE IV. DECEMBRIS.

In Festo S. Barbaræ Virginis & Martyris. **duplex.**

Missa. Loquebar. **de comm.** virg.
mart. alicubi.

ORATIO.

Porridge, misericors Deus, clementiam tuam nobis devote suppli-
cantibus, ut, qui Beatæ Barbaræ
& Martyris tuæ commemoratione gra-
tulamur, virtute illius ad promerendam
delictorum veniam gubernemur. Per
Dominum nostrum &c.

DIE V. DECEMBRIS.

S. Petri Chrysologi Episc. Conf. & Doct.
dupl. Missa. In medio.

ORATIO.

Deus, qui beatum Petrum Chrysolo-
gum, Doctorem egregium, divini-
tus præmonstratum ad regendam, & in-
stituendam Ecclesiam tuam eligi voluisti:
præsta, quæsumus; ut, quem Doctorem
vitæ habuimus in terris, Intercessorem
habere mereamur in cœlis. Per Domi-
num nostrum &c.

DIE X. DECEMBRIS.

Translatio Almae Domus Lauretanæ
Missæ in fine missalis.

DIE XVIII. DECEMBRIS.

Exspectatio Partus B. V. M. **Missæ in**
fine missalis.

FESTA JANUARII.

DIE XIX. JANUARII.

S. Henrici Episc. & Martyris. **dupl.**
Missæ ex Communi unius Martyris. Sa-
cerdotes DEI.

ORATIO.

Omnipotens sempiterne Deus, qui
beato Henrico Martyri tuo atque
Pontifici, glorioso triumpho martyrii
largitus es palmam: ejus, quæsumus, me-
ritis, & precibus gratiam nobis largiaris
& gloriam. Per Dominum nostrum &c.

DIE XXIII. JANUARII.

Desponsatio B. Virginis Mariæ. **duplex**
majus.

Missæ in fine Missalis. Commemor. I.
S. Joseph, & 2. S. Emerentianæ.

DIE XXIII. JANUARII.

S. Joannis Eleemosynarii Episc. Conf.
dupl. In Diœcesi Plocensi.

**Missæ ex Communi Confessoris Ponti-
ficiis.** Statuit.

ORATIO.

Deus, qui beatum Joannem Eleemo-
synarium Confessorem Pontificem
tuum, sanctorum Eleemosynarum ero-
gatorem constitueristi, donisque tempo-
ralibus cumulatum, ad pauperum tuo-
rum consolationem, deficere nunquam
permisisti, concede propitius; ut cuius
merita hodierna die recolimus, ejus imi-
tatione præsentium futurorumque bo-
norum dona, te adjuvante consequi me-
reamur. Per Dominum &c.

DIE XXIV. JANUARII.

Translatio S. Erici Regis & Martyris.
duplex.

Missæ. In virtute tua. **de Comm. Mart.**
non Pont. in Orat. Præsta loco natalitia
ponitur: translationem. **Evangelium**
ex missa Sacerdotes DEI. Si quis vult
post me venire.

DOMINICA II. POST EPIPHANIAM.

Festum SS. Nominis Jesu.

Introit.

Introitus.

In Nomine JESU omne genu flectatur, cœlestium, terrestrium, & infernum: & omnis lingua confiteatur, quia Dominus JESUS CHRISTUS in gloria est DEI Patris. **Psal. 8.** Domine Dominus noster, quam admirabile est nomen tuum in universa terra.

V. Gloria Patri &c.

ORATIO.

Deus, qui unigenitum Filium tuum constituisti humani generis Salvatorem, & JESUM vocari jussisti: concede propitijs, ut cuius sanctum Nomen veneramur in terris, ejus quoque aspectu perfruamur in cœlis. Per eundem &c.

Deinde fit comm. de Dominica secunda post Epiph.

ORATIO.

Omnipotens sempiterne Deus, qui cœlestia simul & terrena moderaris: supplicationes populi tui clementer exaudi, & pacem tuam nostris concede temporibus. Per Dominum &c.

Lectio Actuum Apost. Cap. 4.

In diebus illis: Petrus Spiritu Sancto repletus, dixit: Principes populi, & seniores audite. Si nos hodie dijudicamur in benefacto hominis infirmi, in quo iste salvus factus est: notum sit omnibus vobis, & omni plebi Israel, quia in nomine JESU CHRISTI Nazareni, quem vos crucifixistis, quem Deus suscitavit a mortuis, in hoc iste adstat coram vobis fanus. Hic est lapis, qui reprobatus est a vobis ædificantibus: qui factus est in caput anguli. Et non est in alio aliquo salus. Nec enim aliud Nomen est sub cœlo datum hominibus, in quo oporteat nos salvos fieri.

Grad. Salvos fac nos, Domine Deus noster, & congrega nos de nationibus: ut confiteamur Nomini sancto tuo, & gloriemur in gloria tua. **V.** Tu Domine, Pater noster, & Redemptor noster: a sæculo Nomen tuum. Allel. Allel.

V. Laudem Domini loquetur os meum, & benedicat omnis caro Nomen sanctum ejus. Allel.

Post Septuag. dicitur Tractus.

Domine Deus virtutum converte nos, & ostende faciem tuam, & salvi erimus: sonet vox tua in auribus meis.

V. Vox enim tua dulcis, & facies tua decora nimis. **V.** Oleum effusum Nomen tuum, JESU: ideo adolescentulæ dilexerunt te.

Sequentia S. Evangelii secundum Lucam. **Luc. 2.**

In illo tempore: Postquam consummati sunt dies octo, ut circumcidetur puer: vocatum est Nomen ejus JESUS, quod vocatum est ab Angelo, priusquam in utero conciperetur.

Credo.

Offert. Psal. 85.

Confitebor tibi, Domine Deus meus, in toto corde meo: & glorificabo Nomen tuum in æternum. Quoniam tu, Domine, suavis & mitis es, & multæ misericordiæ omnibus invocantibus te, Alleluja.

Secreta.

Benedictio tua, clementissime Deus, qua omnis viget creatura, sanctificet, quæsumus, hoc sacrificium nostrum, quod ad gloriam Nominis Filii tui Domini nostri JESU CHRISTI offerrimus tibi: ut majestati tuæ placere possit ad laudem, & nobis proficere ad salutem. Per eundem Dominum &c.

Pro Dominica secunda post Epiphiam, Secreta.

Oblata, Domine, munera sanctifica; nosque a peccatorum nostrorum maculis emunda. Per Dominum &c.

Præfatio de Nativitate.

Communio.

Omnes Gentes, quascunque fecisti, venient, & adorabunt coram te, Domine, & glorificabunt Nomen tuum;

quo-

quoniam magnus es tu, & faciens mirabilia: tu es DEUS solus, Alleluja.

Postcommunio.

Omnipotens æterne DEUS, qui creasti, & redemisti nos, respice propitius vota nostra, & sacrificium salutaris hostiæ, quod in honorem Nominis Filii tui Domini nostri JESU CHRISTI majestati tuæ obtulimus, placido, & benigno vultu suscipere digneris, ut gratia tua nobis infusa, sub glorioso Nomine JESU, æternæ prædestinationis titulo gaudemus, nomina nostra scripta esse in cœlis. Per eundem Dominum &c.

Pro Dominica II. post Epiphaniam.

Postcommunio.

Augeatur in nobis, quæsumus Domine, tuæ virtutis operatio ut divinis vegetati Sacramentis, ad eorum promissa capienda, tuo munere præparemur. Per Dominum nostrum &c.

In fine Missæ legitur Evangelium Dominicæ secundæ post Epiphaniam.

FESTA FEBRUARII.

DIE I. FEBRUARII.

In festo Sanctæ Brigidæ, Virginis.

duplex.

Missæ. Dilexisti. de Communi Virginum tantum.

ORATIO.

Omnipotens sempiterne DFUS, qui es sanctorum gloria virtutum, clementiam tuam supplices exoramus: ut per merita Beatæ Virginis tuæ Brigidæ, opportunum tuæ pietatis auxilium sentiamus. Per Dominum &c.

Secreta.

Munera tibi Domine dicata sanctifica: & intercedente Beata Brigida Virgine tua, per eadem nos placatus intende. Per Dominum &c.

Postcommunio.

Satiasti Domine, familiam tuam muneribus sacris: ejus quæsumus semper interventione nos refove, cuius solemnia celebramus. Per Dominum &c.

DIE IV. FEBRUARII.

S. Ansgarii Episc. & Conf. duplex.

Missæ. Statuit. de Comm. Conf. Pontif.

Oratio. Exaudi quæsumus. Ex missa sequenti Sacerdotes tui.

DIE VI. FEBRUARII.

S. Dorotheæ Virginis & Martyris.

duplex.

Missæ. Me exspectaverunt peccatores.

In Communi Virginum & Martyrum.

DIE IX. FEBRUARII.

S. Apolloniæ Virginis & Martyris.

duplex.

Missæ. Dilexisti. de Comm. Virg. Mart.

DIE X. FEBRUARII.

S. Scholaisticæ Virginis. duplex.

Missæ. Dilexisti.

ORATIO.

Deus, qui animam Beatæ Virginis tuæ Scholaisticæ, ad ostendendam innocentiae viam, in Columbæ specie Cœlum penetrare fecisti; da nobis ejus meritis, & precibus ita innocenter vivere, ut ad æterna mereamur gaudia pervenire. Per Dominum &c.

DIE XIII. FEBRUARII.

S. Catharinæ de Ricciis.

Missæ. Dilexisti. de Comm. Virg.

ORATIO.

Domine JESU CHRISTE, qui Beatam Catharinam Virginem tuo amore succensam, Passionis contemplatione clarescere voluisti: ejus intercessione concede, ut passionis mysteria devote recolentes, ejus fructus percipere mereamur. Qui vivis.

DIE XIX. FEBRUARII.

S. Conradi Placentini, **Semiduplex.**

Missa. Justus ut palma. **De Communi**
ni Conf. non Pont. **Evangelium,** Ecce
nos reliquimus omnia. **De Communi**
Abbatum.

DIE XXIII. FEBRUARII.

S. Margaritæ de Cordona. **Missa in**
fine Missalis.

DIE XXV. FEBRUARII.

S. Sigfridi Episcopi Confessoris. **duplex.**

Missa. Statuit. **de Comm. Conf. Pont.**

ORATIO.

Deus, qui Beatum Sigfridum Confes-
sorem tuum, Evangelicæ prædicationis
gratia sublimasti: præsta quæsumus;
ut & doctrina ejus erudiamur, &
precibus adjuvemur. Per Dominum &c.

FESTA MARTII.

DIE I. MARTII.

S. Albini Confessoris Pontificis. **duplex**
in Diœcœsi Gnesnensi.

Missa. Statuit. **de Comm. Conf. Pont.**

ORATIO.

Votiva quæsumus Domine, nos Beati
Albini Confessoris tui atque Pontificis
natalitia restaurent, & ad omne bonum
tua gratia faciant propensores.
Per Dominum &c.

DIE II. MARTII.

S. Helenæ Imperatricis Viduæ. **duplex**

Introitus.

Mihhi autem absit gloriari, nisi in Cru-
ce Domini nostri JESU CHRISTI,
per quem mihi mundus crucifixus est, &
ego mundo. **Psal. 22.** Virga tua & ba-
culus tuus, ipsa me consolata sunt.

Gloria Patri &c.

ORATIO.

Domine JESU CHRISTE, qui locum,
ubi Crux tua latebat, Beatæ Hele-

næ revelasti, ut per eam Ecclesiam tuam
hoc pretioso thesauro ditas, ejus nobis
intercessione concede, ut vitalis ligni
pretio æternæ vitæ præmia consequa-
mur. Qui vivis & regnas &c.

In Quadragesima fit comm. Fer.

Lectione Libri Sapientiæ. Prov. c. 31.

Mulierem fortem quis inveniet, pro-
cul, & de ultimis finibus pretium
ejus. Confidit in ea cor viri sui, & spo-
liis non indigebit. Reddet ei bonum,
& non malum, omnibus diebus vitæ suæ.
Quæsivit lanam & linum, & operata est
consilio manuum suarum. Facta est
quasi navis institoris, de longe portans
panem suum. Et de nocte surrexit, de-
ditque prædam domesticis suis, & ciba-
ria ancillis suis. Consideravit agrum, &
emit eum, de fructu manuum suarum
plantavit vineam. Accinxit fortitudine
lumbos suos, & roboravit brachium su-
um. Gustavit & vidiit, quia bona est ne-
gotiatio ejus, non extinguetur in nocte
lucerna ejus. Manum suam misit ad for-
tia, & digitus ejus apprehenderunt fusum.
Manum suam aperuit inopi, & palmas
suas extendit ad pauperem. Non time-
bit domui suæ a frigoribus nivis, omnes
enim domestici ejus vestiti sunt dupli-
bus. Stragulatam vestem fecit sibi, bys-
sus & purpura indumentum ejus. No-
bilis in portis vir ejus, quando federit
cum senatoribus terræ. Sindonem fe-
cit, & vendidit, & cingulum tradidit
Cananæo. Fortitudo & decor indu-
mentum ejus, & ridebit in die novissimo.
Os suum aperuit sapientiæ, & lex cle-
mentiæ in lingua ejus. Consideravit se-
mitas domus suæ, & panem otiosa non
comedit. Surrexerunt filii ejus, & bea-
tissimam prædicaverunt, vir ejus & lau-
davit eam. Multæ filiæ congregaverunt
divitias, tu supergressa es universas. Fal-
lax gratia, & vana est pulchritudo, mu-
lier timens Dominum, ipsa laudabitur.
Date ei de fructu manuum suarum, &
laudent eam in portis opera ejus.

Gra-

Graduale.

Vultum tuum deprecabuntur omnes,
divites plebis, filiae Regum in honore
tuo. Adducentur Regi Virgines post
eam, proximae ejus afferentur tibi in laetitia,
& exultatione adducentur in tem-
plum Regis.

Tractus.

Veni sponsa CHRISTI, accipe coro-
nam, quam tibi Dominus præparavit in
æternum. **v. Psalm. 44.** Dilexisti justi-
tiam, & odisti iniquitatem, propterea
unxit te DEUS, Deus tuus oleo lætitiae
præ confortibus tuis. **v.** Specie tua &
pulchritudine tua intende, prospere pro-
cede, & regna.

Sequentia Sancti Evangelii secundum
Matthæum. **Matth. 13.**

In illo tempore: dixit Jesus Discipulis
suis parabolam hanc: Simile est Re-
gnum Cœlorum thesauro abscondito in
agro, quem qui invenit homo, abscon-
dit, & præ gaudio illius vadit, & vendit
universa quæ habet, & emit agrum il-
lum. Iterum simile est Regnum Cœlo-
rum homini negotiatori, quærenti bo-
nas margaritas. Inventa autem una
pretiosa margarita, abiit & vendidit om-
nia, quæ habuit, & emit eam. Iterum
simile est Regnum Cœlorum sagenæ mis-
ſæ in mare, & ex omni genere piscium
congreganti. Quam, cum impleta esset,
educentes & secus littus sedentes, elege-
runt bonos in vasa, malos autem foras
miserunt. Sic erit in consummatione
sæculi. Exibunt Angeli, & separabunt
malos de medio justorum, & mittent
eos in caminum ignis; ibi erit fletus, &
stridor dentium. Intellexistis hæc om-
nia? Dicunt ei: etiam. Ait illis: Ideo
omnis scriba doctus in Regno Cœlorum,
similis est homini patrifamilias, qui pro-
fert de thesauro suo nova & vetera.

Offertorium.

Non enim judicavi me scire aliud, nisi
JESUM CHRISTUM, & hunc Cru-
cifixum.

Secreta.

Per hæc sacra Mysteria concede nobis
Domine, ut sicut Beatae Helenæ mi-
sericorditer tribuisti, ut Filium tuum
Crucifixum in corde semper gestaret, ita
& nos eum in cordibus nostris perpetuo
deferamus. Per eundem &c.

**In Quadragesima Commem. Feriæ &
Præfatio Quadragesimæ.**

Communio.

Ascendam in Palmam, & apprehe-
dam fructus ejus.

Postcommunio.
Concede nobis misericors Deus, ut
qui salutiferæ Crucis tuæ fructu in
terra sumus recreati, per intercessionem
Beatae Helenæ eodem jugiter perfrui
mereamur in Cœlis. Qui vivis &c.

**In Quadragesima Commemoratio Fe-
riæ & ultimum Evangelium de eadem.**

DIE IV. MARTII.

In festo S. Casimiri Confessoris, duplex.

**Missa. Os justi. de Communi Conf.
non Pontificis.**

ORATIO.
Deus, qui inter regales delicias inta-
ctum a mundi illecebris spiritum
Sancti Casimiri Confessoris tui conser-
vasti: fac, quæsumus: ut tui fideles ita
in tuo amore firmentur, ut & terrena
despiciant, & ad cœlestia semper aspi-
rent. Per Dominum &c.

**Pro Commemoratione Sancti Lucii,
Papæ & Martyris.**

ORATIO.
Deus, qui nos Beati Lucii Martyris
tui atque Pontificis annua solemnitate
lætificas: concede propitius: ut
cujus natalitia colimus, de ejusdem
etiam protectione gaudeamus. Per &c.

Secreta.
Suscipe, misericors Deus, hæc tuæ ple-
bis obsequia, & cœlestia munera ex-
spectantis petitiones propitius exaudi.
Per Dominum &c.

De Sancto Lucio.

Secreta.

Munera tibi Domine dicata sanctifica: & intercedente Beato Lucio Martyre tuo atque Pontifice, per eadem nos placatus intende. Per Dominum &c.

Postcommunio.

Celesti alimonia satiati, ad te Domine cuncti confugimus, ut qui multorum criminum pondere premimur, per Sancti Casimiri merita ad te levemur. Per Dominum nostrum &c.

Pro Commemoratione S. Lucii.

Postcommunio.

Hec nos communio, Domine, purget a crimen: & intercedente Beato Lucio Martyre tuo atque Pontifice, cœlestis remedii faciat esse consortes. Per Dominum &c.

DIE V. MARTII.

In festo Translationis Sancti Wenceslai Martyris. **duplex.**

Introitus.

Lætabitur justus in Domino, & sperabit in eo, & laudabuntur omnes retri corde. **Psalm.** Exaudi Deus orationem meam, cum deprecor: a timore inimici eripe animam meam.

V. Gloria Patri &c.

ORATIO.

Deus, qui Beati Wenceslai nobilitatem in meliorem mutasti dignitatem, & eum per Martyrii palmam ad cœlestem perduxisti gloriam: ejus precibus nos, quæsumus, ab omni adversitate libera, & æternæ beatitudinis concede perfaci gloria. Per Dominum &c.

Lectio Epistolæ Beati Petri Apostoli.

Charissimi: Communicantes CHRISTI passionibus gaudete: ut in revelatione gloriae ejus gaudeatis exultantes. Si exprobramini in nomine CHRISTI, beati eritis: quoniam quod est honoris, gloriae, & virtutis DEI, & qui est ejus Spiritus, super vos requiescit. Nemo au-

tem vestrum patiatur ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem DEUM in isto nomine. Quoniam tempus est, ut incipiat judicium a domo DEI. Si autem primum a nobis: quis finis eorum, qui non credunt DEI Evangelio? Et si justus vix salvabitur, impius, & peccator ubi parebunt? Itaque hi, qui patiuntur secundum voluntatem DEI, fidei creatori commendent animas suas in benefactis.

Graduale. Justus cum ceciderit, non collidetur: quia Dominus supponit manum suam. **V.** Tota die miseretur, & commodat: & semen ejus in benedictione erit.

Tractus. Beatus vir, qui timet Dominum: in mandatis ejus cupit nimis.

V. Potens in terra erit semen ejus, generatio rectorum benedicetur.

V. Gloria, & divitiae in domo ejus: & justitia ejus manet in sæculum sæculi.

Sequentia Sancti Evangelii secundum Matthæum.

In illo tempore: Dixit JESUS Discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucretur, animæ vero suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Credo.

Offertorium.

Posuisti Domine in capite ejus coronam de lapide pretioso: vitam peitiit a te, & tribusti ei.

Se.

Secreta.

Accepta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dominum &c.

Communio.

Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quæsumus, Domine Deus noster: ut cuius exsequimur cultum, intercedente Beato Wenceslao Martyre tuo, sentiamus effectum. Per Dominum &c.

DIE IX. MARTII.

S. Catharinæ Bononiensis, Ord. S. Francisci Minor. **dupl. in Dicec. Varmien.**

Missa ex Communi Virginum. Dilexisti.

ORATIO.

Deus, qui Ecclesiam tuam Beatæ Catharinæ Virginis præclaris decoras meritis, & gloriose lœtificas miraculis: concede nobis famulis tuis, ut & exemplis ejus in melius reformemur, & patrocinio ab omnibus adversis protegamus. Per Dominum nostrum &c.

DIE X. MARTII.

In festo Sanctorum Cyrilli & Methodii, Confessorum & Pontificum, **in Dicecesi Gnesn.** Semiduplex; **in Premisilien. duplex**

Missa. Sacerdotes. de Communi Conf. Pontif.

ORATIO.

Omnipotens sempiterne Deus, qui nos per Beatos Pontifices & Confessores tuos Cyrillum & Methodium ad unitatem fidei Christianæ vocare dignatus es, præsta, quæsumus: ut qui præsenti eorum festivitate lœtamur, ipsorum etiam meritis gloriam consequi mereamur æternam. Per Dominum &c.

Tractus.

Qui seminant in lacrymis, in gaudio metent. **V.** Euntes ibant, & flebant, mittentes semina sua. **R.** Venientes autem venient cum exsultatione, portantes manipulos suos.

Offertorium.

Mirabilis Deus in sanctis suis: Deus Israel, ipse dabit virtutem, & fortitudinem plebi suæ: benedictus Deus.

Secreta.

Oblatis, quæsumus Domine, placare muneribus: & intercedentibus Sanctis tuis Cyrillo & Methodio, a cunctis nos defende periculis. Per Dominum.

Communio.

Quod dico vobis in tenebris, dicite in lumine, dicit Dominus: & quod in aure auditis; prædicate super tecta.

Postcommunio.

Prästa nobis, quæsumus Domine, intercedentibus Sanctis Confessoribus tuis Cyrillo & Methodio, ut quod ore contingimus, pura mente capiamus. Per eundem Dominum &c.

DIE XVII. MARTII.

S. Gertrudis Virginis. **Semiduplex in Dicecesi Gnesnensi & Culmensi.**

Missa. Dilexisti. Oratio. Indulgentiam tuam. dempto & Martyr. de Comm. Virg.

DIE XVIII. MARTII.

S. Gabrielis Arch-Angeli, **duplex.**

Missa in novissimo Missali.

DIE XXIII. MARTII.

S. Catharinæ Vastanensis Virginis.

duplex

Missa. Dilexisti. de Comm. Virg.

ORATIO.

Deus, qui Ecclesiam tuam Beatæ Catharinæ Virginis præclaris decoras meritis, & gloriose lœtificas miraculis: concede nobis famulis tuis, ut & exemplis

C

plis ejus in melius reformemur, & patro-
cino ab omnibus adversis protegamus.
Per Dominum nostrum &c.

FERIA VI. ANTE DOMINIC. PASSION.

De Spinea Corona Domini. **Missa in
fine Missalis.**

FERIA VI. POST DOMINIC. IN ALBIS.

De Lancea & Clavis Domini. **Missa
in fine Missalis.**

FESTA APRILIS.

DIE XXIII. APRILIS.

In festo Sancti Adalberti Episcopi &
Martyris. **duplex.**

Introitus.

Protexisti me Deus a conventu mali-
gnantium, Alleluja: a multitudine
operantium iniquitatem, Alleluja, Alle-
luja. **Psalm.** Exaudi Deus orationem
meam, cum deprecor: a timore inimi-
ci eripe animam meam.

v. Gloria Patri. Protexisti.

ORATIO.

Tuam nobis indulgentiam, quæsumus
Domine, Beatus Adalbertus Episco-
pus & Martyr imploret: ut & delicta no-
bis clementer ignoscas, & beneficia des-
iderata concedas. Per Dominum &c.

Lectio Epistolæ Beati Pauli Apostoli ad
Hebræos. **Cap.5.**

Fratres: Omnis Pontifex ex homini-
bus assumptus, pro hominibus con-
stituitur in iis, quæ sunt ad DEUM: ut
offerat dona, & sacrificia pro peccatis.
Qui condolore possit iis, qui ignorant,
& errant: quoniam & ipse circumdatus
est infirmitate. Et propterea debet,
quemadmodum pro populo, ita etiam &
pro semetipso offerre pro peccatis. Nec
quisquam sumit sibi honorem: sed qui
vocatur a Deo, tamquam Aaron. Sic
& CHRISTUS non semetipsum clarifica-

vit, ut Pontifex fieret: sed qui locutus
est ad eum: Filius meus es tu, ego ho-
die genui te. Quemadmodum & in alio
loco dicit: Tu es sacerdos in æternum,
secundum ordinem Melchisedech.

Alleluja, Alleluja. **v.** Surrexit Pastor
bonus, qui posuit animam suam pro ovi-
bus suis, & pro grege suo mori digna-
tus est. Alleluja. **v.** Posuisti Domine
super caput ejus coronam de lapide pre-
tioso. Alleluja.

**† Sequentia Sancti Evangelii secundum
Joannem. Cap.10.**

In illo tempore: Dixit JESUS Pharisæis:
Ego sum pastor bonus. Bonus pa-
stor animam suam dat pro ovibus suis.
Mercenarius autem, & qui non est pa-
stor, cuius non sunt oves propriæ, videt
lupum venientem, & dimittit oves, &
fugit: & lupus rapit, & dispergit oves.
Mercenarius autem fugit, quia merce-
narius est: & non pertinet ad eum de
ovibus. Ego sum pastor bonus: & co-
gnosco oves meas, & cognoscunt me
meæ. Sicut novit me Pater, & ego ag-
nosco Patrem: & animam meam pono
pro ovibus meis. Et alias oves habeo,
quæ non sunt ex hoc ovili: & illas opor-
tet me adducere, & vocem meam audi-
ent: & fiet unum ovile, & unus pastor.

Credo.

Offertorium.

Posuisti Domine in capite ejus coro-
nam de lapide pretioso: vitam pe-
tit a te, & tribusti ei. Alleluja.

Secreta.

Sacrificium exhibitum, quæsumus Do-
mine, benignus assume: ut quod
nomini tuo in solemnitate Beati Adal-
berti Martyris tui, atque Pontificis de-
ferimus, nobis prospic ad veniam. Per
Dominum &c.

Communio.

Ego sum pastor bonus, Alleluja: & co-
gnosco oves meas, & cognoscunt
me meæ. Alleluja, Alleluja.

Post-

Postcommunio.

Refecti, Domine, muneribus sacris,
suplices te deprecamur: ut indul-
gentiam tuam nobis intercessio Beati
Adalberti Martyris tui atque Pontificis
semper imploret. Per Dominum no-
strum JESUM CHRISTUM Filium tuum.
Qui tecum vivit, & regnat in unitate
Spiritus Sancti Deus.

DIE XXIV. APRILIS.

S. Georgii Martyris. Semiduplex; in Li-
thuania duplex, celebraturque xxiii.
April. Translato in xxiv. Festo Sancti
Adalberti.

Missa. Protexisti.

DOMINICA II. vel III. POST PASCHA.
Festum de SS. Sepulchro Domini nostri
JESU CHRISTI.

Introitus. Isaiæ II.

In die illa erit radix Jesse, qui stat in
signum popolorum, ipsum gentes
deprecabuntur, Alleluja. Et erit Sepul-
chrum ejus gloriosum, Alleluja, Alleluja.

Psalm. 45. Fluminis impetus lætificat
civitatem DEI: Sanctificavit Taberna-
culum suum Altissimus. **Gloria Patri.**

In die illa &c.

Gloria in excelsis.

ORATIO.

Domine JESU CHRISTE, qui pro nobis
mortem subire, & in Sepulchro de-
positus, tertia die resurgere voluisti, con-
cede famulis tuis, ut qui Sepulchri Tui
memoriam recolimus, Resurrectionis
Tuæ participes esse mereamur. Qui
vivis &c.

Commemoratio Dominicæ occidentis.

Lectio Actuum Apostolorum. Cap. 13.
In diebus illis: Surgens Paulus, & manu
silentium indicens ait: Viri Fratres,
Filii generis Abraham, & qui in vobis
timent DEUM, vobis verbum salutis hu-
jus missum est. Qui enim habitabant

Jerusalem & principes ejus, ignorantes
JESUM & voces Prophetarum, quæ per
omne Sabbatum leguntur, judicantes
impleverunt, & nullam causam mortis
invenientes in eo, petierunt a Pilato, ut
interficerent eum. Cumque consum-
masserent omnia, quæ de eo scripta erant,
deponentes eum de ligno, posuerunt
eum in monumento. DEUS vero susci-
tavit eum a mortuis tertia die: qui visus
est per dies multos his, qui simul ascen-
derant cum eo de Galilæa in Jerusalem:
qui usque nunc sunt testes ejus ad ple-
bem.

Alleluja, Alleluja. Qui exspe-
ctant mortem, & non venit, quasi
effodientes thesaurum; gaudentque ve-
hementer, cum invenerint Sepulchrum,
Alleluja.

Currebant duo simul, & ille
alius Discipulus præcucurrit citius
Petro, & venit primus ad monumen-
tum, Alleluja.

+ Sequentia Sancti Evangelii secundum
Lucam. **Cap. 24.**

Una Sabbati valde diluculo, venerunt
mulieres ad monumentum, portan-
tes quæ paraverunt aromata, & inven-
erunt lapidem revolutum a monumento,
& ingressæ non invenerunt Corpus Do-
mini JESU. Et factum est, dum mente
confaternæ essent de isto, ecce duo Viri
steterunt secus illas in veste fulgenti.
Cum timerent autem, & declinarent
vultum in terram, dixerunt ad illas:
Quid queritis Viventem cum mortuis?
Non est hic, sed surrexit. Recordami-
ni qualiter locutus est vobis, cum adhuc
in Galilæa esset, dicens: Quia oportet
Filium hominis tradi in manus homi-
num peccatorum & crucifigi, & die ter-
tia resurgere. Et recordatæ sunt verbo-
rum ejus, & regressæ a monumento,
nunciaverunt hæc omnia illis undecim,
& cæteris omnibus. Erat autem Maria
Magdalene, & Joanna, & Maria Jacobi,
& cæteræ, quæ cum eis erant, quæ dice-
bant

bant ad Apostolos hæc: Et visa sunt ante illos, sicut deliramentum verba ista, & non crediderunt illis: Petrus autem surgens, cucurrit ad monumentum, & procumbens vidit linteamina sola posita, & abiit secum mirans, quod factum fuerat.

Credo.

Offertorium. Psal. 41.

Transibo in locum Tabernaculi admirabilis usque ad Domum DEI, Alleluja.

Secreta.

Deus, qui per depositionem Sanctissimi Corporis Filii Tui in Sepulchro, idem Sepulchrum sanctificasti, concede quæsumus, ut in hoc Sepulchro anima & corde habitemus. Per eundem &c.

Commemoratio Dominicæ.

Præfatio de Resurrectione.

Communio Sap. 9.

Beatus qui audit me, & qui vigilat ad fores meas quotidie, & observat ad postes ostii mei, Alleluja.

Postcommunio.

Deus, qui nos Sancti Sepulchri Filii Tui lætari facis honore, præsta quæsumus, ut in eodem sepulti, mundo moriamur, & Tibi soli vivamus. Per eundem Dominum &c.

Commemoratio & Evangelium ultimum Dominicæ.

DOMINICA II vel III. POST PASCHA.
Festum Patrocinii S. Josephi, duplex.
Missa propr. in Missali.

FESTA MAJI.

DIE II. MAJI.

In festo S. Sigismundi, Regis & Martyris.

Duplex in Dicecesi Plocensi.

Missa. Protexisti. De Commun. Martyr. tempore Paschal.

ORATIO.

Deus, qui Beatum Sigismundum Regem, temporali, & æterno diadematæ cum desiderata Martyrii corona honorare dignatus es: tribue, quæsumus, ut qui ejus merita veneramur in terris, ipsius intercessione ab omnibus protegamus adversis. Per Dominum.

Secreta.

Concede quæsumus Rex æterne: ut hujus sacrificii munus oblatum, interventu Sancti Sigismundi, Regis & Martyris, fragilitatem nostram ab omni adversitate semper protegat, & muniatur. Per Dominum &c.

Postcommunio.

Purifcent nos, quæsumus Rex æterne, tua percepta sacramenta: & intercessione Beati Sigismundi, Regis & Martyris tui, ab omni malo expiatos, tibi nos reddant acceptos. Per Dominum &c.

DIE IV. MAJI.

In festo S. Floriani Martyris, duplex.

Missa. Protexisti. De Commun. Mart. tempore Paschal.

ORATIO.

Deus, qui nos Beati Floriani Martyris tui solemnitate lætificas: concede propitius: ut cuius gloriosum triumphum veneramur in terris, societatis ejus lætitiam adipisci mereamur in cœlis. Per Dominum &c.

Secreta.

Hanc oblationis hostiam, quæsumus omnipotens Deus, Beati Floriani Martyris tui digna commendet oratio: qui sancto charitatis tuæ devictus amore, propriam sui corporis hostiam in odorem suavitatis tibi obtulit vivam. Per Dominum &c.

Postcommunio.

Sancta nos, quæsumus Domine, sacra menti cœlestis participatio, & ab hostium callido tueatur incursu: & sancto Floriano intercedente, nobis remedia

Ano Dni 1791 Ex Mandato Lou Ordinarii Vincen^t
Cronato in Festa S. Stanisłai E.M. Fiat perpetuis
temporibus Colledo gratiar actionis: Deus cuius-
misericordia non est numerus &c posita post Missam
Votivam ad Trinitatis

dia
Dor

In fo

M

dia salutis conferant sempiterna. Per
Dominum &c.

DIE VIII. MAI.

In festo S. Stanislai Episcopi & Martyris.
duplex.

Missa. Protexisti. **ut xxiii. April. su-**
pra. Oratio, Secreta & Postcomm. **ut in**
Romano.

DIE XIII. MAI.

In festo S. Servatii Episc. Conf. **dupl.** in
Dicecesi Gnesnensi.

Missa. Statuit.

ORATIO.

DEUS, qui populo tuo sanctum dedi-
sti Servatium prædicatorem, con-
cede quæsumus, ut nos tanti Pontificis
intercessione, & tuæ pietatis defensione,
ab omnibus ubique liberemur adversis,
& tranquilla prosperitate, in tua jugiter
laude lætemur. Per Dominum &c.

DIE XVI. MAI.

In festo S. Joannis Nepomuceni, Mart.
duplex.

Missa. Protexisti. **De Commun.**
Martyr. tempore Paschali. Extra tempus
Pasch. **Missa.** Lætabitur.

ORATIO.

DEUS, qui ob invictum Beati Joannis
Sacramentale silentium nova Eccle-
siam tuam Martyrii corona decorasti: da
nobis ejus intercessione, & exemplo lin-
guam caute custodire, ac omnia potius
mala, quam animæ detrimentum, in hoc
sæculo tolerare. Per Dominum &c.

Secreta.

Per hæc tua, Domine, sacra Mysteria
illo nos charitatis igne accendamur,
quo inclitus Martyr Joannes eadem per-
agendo flagrabat. Per Dominum &c.

Postcommunio.

Spiritum, Domine, fortitudinis hæc
nobis tribuat mensa cœlestis, quæ
Beati Martyris tui Joannis tentatam con-
tra honorem Sacramenti constantiam,

jugiter aluit ad victoriam. Per Domi-
num nostrum. In unitate ejusdem.

Alia Missa propria.

Introitus.

Dedit mihi Dominus linguam merce-
dem meam: & in ipsa laudabo
eum. Alleluja. Alleluja.

Psalmus. Dixi: Custodiam vias meas:
ut non delinquam in lingua mea. Glo-
ria Patri&c. Dedit &c.

ORATIO. Deus, qui &c.

Lectio Libri Sapientiæ.

Stultus a fenestra respiciet in domum:
vir autem eruditus foris stabit. Stul-
titia hominis auscultare per ostium: &
prudens gravabitur contumelia. Labia
imprudentium stulta narrabunt: verba au-
tem prudentium statera ponderabuntur.
In ore fatuorum cor illorum; & in cor-
de sapientum os illorum. Dum male-
dicit impius diabolum, maledicit ipse
animam suam. Susurro coinquinabit
animam suam, & in omnibus odietur; &
qui cum eo manserit, odiosus erit: tac-
tus & sensatus honorabitur.

Tempore Paschali.

Alleluja, Alleluja. **v.** Beatus, qui lin-
gua sua non est lapsus, & qui non servi-
vit indignis se. Alleluja.

v. Lingua pravorum peribit. Lin-
gua autem sapientum est sanitas. Allel.

Extra Tempus Paschale.

Graduale. Qui ambulat fraudulen-
ter, revelat arcana: qui autem fidelis
est animi, celat.

v. Domine, quis habitabit in taber-
naculo tuo, aut quis requiescat in mon-
te sancto tuo? Qui non egit dolum in
lingua sua, nec fecit proximo suo ma-
lum. Alleluja, Alleluja.

v. Beatus qui lingua sua non est lap-
sus, & qui non servivit indignis se, All.

+ Sequentia Sancti Evangelii secundum
Matthæum.

In illo tempore: Cum audisset Joannes
in vinculis opera CHRISTI, mittens
Duos

duos ex Discipulis suis, ait illi: Tu es qui venturus es, an alium exspectamus? Et respondens JESUS ait illis: Euntes renuntiate Joanni, quæ audistis & vidistis. Cœci vident, claudi ambulant, leprosi mundantur, surdi audiunt, mortui resurgunt, pauperes evangelizantur: & beatus qui non fuerit scandalizatus in me. Illis autem abeuntibus, cœpit JESUS dicere ad turbas de Joanne: Quid existis in desertum videre? Arundinem vento agitatam? Sed quid existis vide-re? Hominem mollibus vestitum? Ecce, qui mollibus vestiuntur, in domibus Regum sunt. Sed quid existis videre? Prophetam? Etiam dico vobis, & plus quam Prophetam. Hic est enim, de quo scriptum est: Ecce, ego mitto Angelum meum ante faciem tuam, qui præparabit viam tuam ante te.

Offertorium.

Non duplices sermonem de revelatione sermonis absconditi; & eris vere sine confusione: & invenies gratiam in conspectu omnium hominum. Alleluja, Alleluja.

Secreta. Per hæc &c.

Communio.

Volavit ad me unus de Seraphim; & in manu ejus calculus, quem tulerat de altari: & tetigit os meum. Alleluja, Alleluja.

Postcommunio. Spiritum, Domine &c.

DIE XVIII. MAJ.

S. Erici, Regis & Martyris, dupl.

Missa. Protexisti.

ORATIO.

Deus, qui Beato Erico, Regi & Martyri tuo, victoriae palmam & cœlestis regni gloriam contulisti: fac nos, quæsumus ejus meritis, & intercessione cuncta nobis adversantia vincere, & coronam gloriæ in cœlis feliciter obtinere. Per Dominum &c.

DIE XXV. MAJ. *annulus pib*
In festo S. Joannis de Predo, Martyr.

Semiduplex.

ORATIO.

Deus, qui contra Mahometricam prævitatem Beatum Joannem Præconem eximium effecisti, concede: ut sicut ipse pro tuæ fidei dilatione Martyrii palnam meruit obtainere; sic nos ejus intercessione fidei nostræ præmia consequi mereamur. Per Dominum &c.

DOMINICA V. POST PASCHA.
Dedicatio Basilicæ Assisiensis. **Missa**
de Communi Dedicat.

FESTA JUNII.

FERIA VI. POST OCTAV. CORPORIS
CHRISTI.

Festum SS. Cordis Jesu.

Introitus. Hierem. in Thr. c. 3.

Miserebitur secundum multitudinem miserationum suarum; non enim humiliavit ex Corde suo, & abjecit Filios hominum: bonus est Dominus sperantibus in Eum, animæ quærenti illum. Alleluja, Alleluja.

Psalm. 88. Misericordias Domini in æternum cantabo: in generationem, & generationem. **Gloria Patri.**

Miserebitur.

ORATIO.

Concede, quæsumus, Omnipotens Deus, ut qui in sanctissimo dilecti Filii tui Corde gloriantes, præcipua in nos Charitatis ejus beneficia recolimus: eorum pariter & actu delectemur, & fructu. Per eundem Dominum &c.

Lectio Isaiæ Prophetæ. **Cap. 12.**

Confitebor Tibi Domine, quoniam iratus es mihi: Conversus est furor tuus, & consolatus es me. Ecce Deus Salvator meus, fiducialiter agam, & non timebo; quia fortitudo mea, & laus mea Dominus, & factus est mihi in salutem.

Hau-

Haurietis aquas in gaudio de fontibus
Salvatoris. Et dicetis in illa die: Con-
fitemini Domino, & invocate Nomen
Ejus, mementote, quoniam excelsum
est Nomen Ejus. Cantate Domino,
quoniam magnifice fecit, annuntiate
hoc in universa terra. Exulta, & lauda
habitatio Sion, quia magnus in medio
Tui Sanctus Israel.

Graduale Jerem. Thren. Cap. I

O vos omnes, qui transitis per viam,
attendite, & videte, si est dolor sicut do-
lor meus.

V. Cum dilexisset suos, qui erant in
mundo, in finem dilexit eos. Alleluja.
Alleluja.

V. Matth. 2, 29. Discite a me, quia mi-
tis sum, & humilis Corde, & invenietis
requiem animabus vestris. **A**lleluja.

† Sequentia Sancti Evangelii secundum
Joannem. **Cap. 19, 35.**

In illo tempore Judæi, quoniam Para-
sceve erat, ut non remanerent in
Cruce corpora Sabbato (erat enim ma-
gnus dies ille Sabbati) rogaverunt Pi-
latum, ut frangerentur eorum crura, &
tollerentur. Venerunt ergo milites, &
primi quidem fregerunt crura, &
alterius, qui crucifixus est cum eo. Ad
JESUM autem cum venissent, ut viderunt
Eum jam mortuum, non fregerunt Ejus
crura: sed unus militum lancea latus
Ejus aperuit, & continuo exivit sanguis,
& aqua; Et qui vedit testimonium per-
hibuit, & verum est testimonium ejus.

Credo.

Offertorium. Psalm. 102.

Benedic anima mea Domino, & noli
oblivisci omnes retributiones ejus,
qui replet in bonis desiderium tuum.
Alleluja.

Secreta.

Tuere nos Domine, tua Tibi Holo-
causta offerentes; ad quæ, ut fer-
ventius corda nostra præparentur, flam-
mis adure Tuæ divinæ Charitatis. Qui
vivis & regnas.

Præfatio de Passione.

Communio Ps. 68.

Improperium exspectavit Cor meum, &
miseriam, & sustinui, qui simul con-
tristaretur, & non fuit; & qui consolare-
tur, & non inveni. Alleluja.

Postcommunio.

Pacificis pasti delicis, & salutaribus Sa-
cramentis, Te supplices exoramus,
Domine Deus noster, ut qui mitis es, &
humilis Corde, nos a vitiorum omnium
labe purgatos, propensi facias a su-
perbis sæculi vanitatibus abhorrere. Qui
vivis & regnas.

DIE III. JUNII.

In festo S. Erasmi, Episcopi & Martyris.
duplex. in Diœcesi Plocens. alibi
ad libit.

**Missa de Comm. Mart. Pont. pro di-
vers. tempor.**

ORATIO.

Deus, cuius virtute Beatus Erasmus
Martyr & Pontifex, multa tormentorum
genera superavit: fac nos, quæ-
sumus, ejus intercessione, universas in-
sidias inimicorum nostrorum visibilium,
& invisibilium cum gaudio superare, &
in Christo bonis operibus abundare.
Per Dominum &c.

Secreta.

Munera tibi Domine dicata sanctifi-
ca: & intercedente Beato Erasmo
Martyre tuo atque Pontifice, per eadem
nos placatus intende. Per Dominum &c.

Postcommunio.

Refecti participatione munieris sacri,
quæsumus Domine Deus noster:
ut cuius exequimur cultum, interceden-
te Beato Erasmo Martyre tuo, atque
Pontifice sentiamus effectum. Per Do-
minum &c.

DIE XIII. JUNII.

In festo S. Antonii de Padua, Confest.

Missa ut in Missali Rom. suo ordine.

DIE XVI. JUNII.

S. Bennonis Episcopi Conf. duplex.
Missa Statuit. De Comm. Conf. Pont.

ORATIO.

Deus, qui nos Beati Bennonis Pontificis confessione gloriofa circumdas, & protegis: da nobis & ejus imitatione proficere, & intercessione gaudere. Per Dominum &c.

DIE XIX. JUNII.

S. Bonifacii Episcopi Mart. Semiduplex.
Missa ex Comm. unius Mart. Pont.

DIE XXI. JUNII.

S. Aloysi Gonzaga Conf. non Pont.
duplex. Missa propria in fine Missalis.

DIE XXII. JUNII.

In festo S. Æschili, Episcopi & Martyris.
duplex.

Missa. Sacerdotes. de Comm. Mart.
Pontif.

ORATIO.

Deus, qui Beatum Æschilum Pontificem tuum, pro fidei dilatatione Martyrium subire voluisti: præsta quæsumus; ut omnes, qui ejus implorant auxilium, petitionis suæ salutarem consequantur effectum. Per Dominum &c.

DIE XXVII. JUNII.

S. Ladislai Regis Hungariae Conf.
duplex in Dicēcēsī Vilnensi, Samogit.
Livoniā.

Missa ex 25. August. Festo S. Ludovi-
ci Confessoris.

ORATIO.

Deus, qui Beatum Regem Ladislaum Confessorem tuum diversis deco-
raſti miraculis, præsta quæsumus, ut ejus suffragantibus meritis, ab omnibus semper muniamur adversis, & gaudiis perfruamur æternis. Per Dominum &c.

DIE XXIX. JUNII.

Festo SS. Petri & Pauli Apost. fieri debet
Commemoratio OO. SS. Apostolorum.

ORATIO.

Da quæsumus, omnipotens Deus, ut Beatorum Apostolorum, quam commemoramus, veneranda solemnitas, & devotionem nobis augeat, & salutem. Per Dominum &c.

Secreta.

Apostolici reverentia culminis offerentes tibi sacra mysteria, Domine quæsumus; ut Beatorum Apostolorum tuorum suffragiis, quorum commemorationem facimus, plebs tua semper & sua vota depromat, & desiderata percipiat. Per Dominum &c.

Postcommunio.

Sanctorum Apostolorum tuorum, quæsumus Domine, supplicatione placatus, & veniam nobis tribue, & remedia sempiterna concede. Per Dominum.

DOMINICA I. POST OCTAVAM SS. PETRI & PAULI.

Festum Sanctorum Patronorum Regni Sueciae,

Introitus.

Gaudemus omnes in Domino, diem festum celebrantes sub honore Sanctorum omnium, de quorum solemnitate gaudent Angeli, & collaudant Filium Dei. Psalm. Exultate Justi in Domino: rectos decet collaudatio.

v. Gloria Patri.

ORATIO.

Infirmitatem nostram, quæsumus Domine, propitius respice: & mala omnia, quæ pro peccatis nostris juste meremur, Sanctorum tuorum hujus Regni Patronorum intercessione clementer averte. Per Dominum &c.

Lectio Libri Sapientiae.

Justorum animæ in manu Dei sunt, & non tanget illos tormentum mortis. Visi sunt oculis insipientium mori: & asti-

æstimata est afflictio exitus illorum; & quod a nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponentur: quoniam DEUS tentavit eos, & invenit eos dignos se. Tamquam aurum in fornae probavit illos, & in tempore erit respectus illorum. Fulgebunt justi, & tamquam scintillæ in arundineto discurrent. Judicabunt nationes, & dominabuntur populis, & regnabit Dominus illorum in perpetuum.

Graduale.

Timete Dominum omnes Sancti ejus: quoniam nihil deest timentibus eum.

V. Inquirentes autem Dominum non deficient omni bono. Alleluja, Alleluja.

V. Venite ad me omnes, qui laboratis, & onerati estis, & ego reficiam vos. Alleluja.

+ Sequentia Sancti Evangelii secundum Joannem.

In illo tempore: Videns JESUS turbas, ascendit in montem; & cum sedisset, accesserunt ad eum discipuli ejus: & aperiens os suum, docebat eos, dicens: Beati pauperes spiritu: quoniam ipsorum est regnum cœlorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt, & sitiunt justitiam; quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi DEUM videbunt. Beati pacifici: quoniam filii DEI vocabuntur. Beati, qui persecutionem patiuntur propter justitiam: quoniam ipsorum est regnum cœlorum. Beati estis, cum male dixerint vobis, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in cœlis.

Credo.

xolqub

Offertorium.

Justorum animæ in manu DEI sunt, & non tanget illos tormentum malitiæ: visi sunt oculis insipientium mori, illi autem sunt in pace.

Secreta.

Munera tibi, Domine, nostræ devotionis offerimus: quæ & pro cunctorum tibi grata sint honore justorum, & nobis salutaria, te miserante, reddantur. Per Dominum &c.

Communio.

Beati mundo corde, quoniam ipsi DEUM videbunt: beati pacifici, quoniam filii DEI vocabuntur: beati, qui persecutionem patiuntur propter justitiam, quoniam ipsorum est regnum cœlorum.

Postcommunio.

Da, quæsumus, Domine DEUS noster: ut sicut tuorum commemoratione Sanctorum, temporali gratulamur officio; ita perpetuo lætemur aspectu. Per Dominum &c.

FESTA JULII.

DIE VII. JULII.

S. Pulcheriæ Imperatricis Virg.

Introitus.

Vultum tuum deprecabuntur omnes divites plebis, adducentur Regi virgines post eam: proximæ ejus adducentur tibi in lætitia, & exultatione.

Psalm. 44: Eructavit cor meum verbum bonum: dico ego opera mea Regi.

V. Gloria Patri. Vultum &c.

ORATIO.

DEUS, qui Beatam Pulcheriam Virginem tuam singulari castitatis prærogativa decorasti, quique illi ad defendendam Ecclesiam tuam summum Fidei amorem tribuere voluisti; concede, ut ejus intercessione tibi puris mentibus inhærentes, ab omnium hostium insidiis

E

diis misericorditer liberemur. Per Dominum &c.

Lectio Epistolæ Beati Pauli Apostoli ad Corinthios. **1. Cap. 7.**

Fratres, de virginibus præceptum Domini non habeo: consilium autem do, tanquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem: quoniam bonum est homini sic esse. Alligatus es uxori? Noli querere solutionem. Solutus es ab uxore? Noli querere uxorem. Si autem acceperis uxorem, non peccasti. Et si nupserit virgo, non peccavit. Tribulationem tamen carnis habebunt hujusmodi. Ego autem vobis parco. Hoc itaque dico, fratres: tempus breve est. Reliquum est, ut & qui habent uxores, tamquam non habentes sint.

Graduale.

Specie tua, & pulchritudine tua: intende, prospere procede, & regna.

¶. Propter veritatem, & mansuetudinem, & justitiam: & deducet te mirabiliter dextera tua. Alleluja, Alleluja.

¶. Filiae regum in honore tuo, astitit Regina a dextris tuis in vestitu deaurato, circumdata varietate. Alleluja.

¶. Sequentia Sancti Evangelii secundum Joannem. **Cap. 17.**

In illo tempore dixit Jesus: Hæc est autem vita æterna, ut cognoscant te solum DEUM verum, & quem misisti JESUM CHRISTUM. Ego te clarificavi super terram, opus consummavi, quod dedisti mihi ut faciam. Et nunc clarifica me tu Pater apud temetipsum claritate, quam habui, priusquam mundus esset apud te. Manifestavi nomen tuum hominibus, quos dedisti mihi de mundo: tui erat, & mihi eos dedisti, & sermonem tuum servaverunt. Nunc cognoverunt, quia omnia, quæ dedisti mihi, abs te sunt: quia verba, quæ dedisti mihi, dedi eis, & ipsa acceperunt, & cog-

noverunt vere quia a te exivi, & crediderunt, quia tu me misisti.

Offertorium.

Tu gloria Hierusalem, tu lætitia Israël, tu honorificentia populi nostri; quia fecisti viriliter, & confortatum est cor tuum, eo quod castitatem amaveris.

Secreta.

Accepta tibi sit, Domine, sacratae plebis oblatio pro tuorum honore sanctorum, quorum se meritis de tribulacione percepisse cognoscit auxilium. Per.

Communio.

O quam pulchra est casta generatio cum claritate: immortalis est enim memoria illius: quoniam & apud DEUM nota est, & apud homines.

Postcommunio.

Satiasti, Domine, familiam tuam muneribus sacris: ejus, quæsumus, semper interventione nos refove, cujus solemnia celebramus. Per Dominum &c.

DIE IX. JULII.

SS. Martyrum Gorcomiensium, **duplex** in Dicæc. Posnaniensi, Plocensi & Var-
miensi ad libit.

Missa. Intret in conspectu. **De Comm.**
Martyr.

ORATIO.

Deus, qui Beatorum Martyrum tuorum Nicolai & Sociorum ejus, gloriosum pro fide tua certamen æternitatis laurea decorasti, concede propitius, ut eorum meritis & imitatione certantes in terris cum ipsis coronari mereamur in cælis. Per Dominum &c.

DIE XIII. JULII.

S. Margaritæ Virginis & Martyris. **dupl.**

Missa. Me exspectaverunt. **De Comm.**
Virg. & Mart.

DIE XV. JULII.

In festo Divisionis SS. Apostolorum.

duplex.

Introit.

Introitus. Psalm. 138.

Michi autem nimis honorati sunt amici tui DEUS: nimis confortatus est principatus eorum. **Psalm.** Domine probasti me, & cognovisti me: tu cognovisti sessionem meam, & resurrectionem meam. **v.** Gloria Patri.

ORATIO.

Deus, qui in tuorum Divisione Apostolorum gentium multitudinem in unitate fidei ad agnitionem tui sancti nominis convocasti: aures tuæ pietatis Ecclesiae precibus inclina, & concede, ut, quorum prædicatione te cognovimus, horum obtentu in confessione veritatis tuæ fideliter firmiterque maneamus. Per Dominum &c.

Lectio Actuum Apostolorum. Cap. 5.

In diebus illis: per manus Apostolorum siebant signa & prodigia multa in plebe. Et erant unanimiter omnes in porticu Salomonis. Cæterorum autem nemo audebat se conjungere illis: sed magnificabat eos populus. Magis autem augebatur credentium in Domino multitudo virorum ac mulierum: ita ut in plateas ejicerent infirmos, & ponebant in lectulis, & grabatis, ut, veniente Petro, saltem umbra illius obumbraret quemquam illorum, & liberarentur ab infirmitatibus suis. Concurrebat autem & multitudo vicinarum civitatum Jerusalem, afferentes ægros, & vexatos a spiritibus immundis: qui curabantur omnes.

Graduale.

Psalm. 44. Constitues eos principes super omnem terram: memores erunt nominis tui Domine.

v. Pro Patribus tuis nati sunt tibi filii; propterea populi confitebuntur tibi. Alleluja, Alleluja.

v. Luc. 22. Rogavi pro te Petre, ut non deficiat fides tua: & tu aliquando conversus, confirma fratres tuos. Alleluja.

† Sequentia Sancti Evangelii secundum Lucam. Cap. 20;

In illo tempore: Designavit Dominus & alios septuaginta duos, & misit illos binos ante faciem suam in omnem civitatem, & locum, quo erat ipse venturus. Et dicebat illis: Messis quidem multa, operarii autem pauci. Rogate ergo Dominum messis, ut mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta: & neminem per viam salutaveritis. In quamcunque domum intraveritis, primum dicite: Pax huic domui: & si ibi fuerit filius pacis, requiescat super illum pax vestra: si autem, ad vos revertetur. In eadem autem domo manete, edentes, & bibentes, quæ apud illos sunt: dignus est enim operarius mercede sua. Nolite transire de domo in domum. Et in quamcunque civitatem intraveritis, & suscepserint vos, manducate, quæ apponuntur vobis, & curate infirmos, qui in illa sunt, & dicite illis: appropinquavit in vos regnum DEI.

no Credo.

Offertorium. Psalm. 18.

In omnem terram exivit sonus eorum; & in fines orbis terræ verba eorum.

Secreta:

Hostias, Domine, quas nomini tuo sacrandas offerimus, Apostolica prosequatur oratio: per quam nos expiari tribuas, & defendi. Per Dominum.

**Præfatio de Apostolis
Communio.**

Vos, qui fecuti estis me, sedebitis super sedes: judicantes duodecim Tribus Israel.

Postcommunio.

Quos cœlesti, Domine, alimento satiaisti: Apostolicis intercessionibus ab omni adversitate custodi. Per Dominum &c.

DIE XV. JULII.

Commemoratio S. Davidis Abbatis.
Ex Missa. Os justi. ut in Comm. Abbatum.

DIE XVI. JULII.

SS. Eremitarum Andreæ & Benedicti,
Martyr. duplex.

Missa. Intret in conspectu. de Comm.
plurim. Mart.

DIE XVIII. JULII.

S. Simonis de Lipnica Conf. Semidupl.

Missa. Os justi. de Communi Confess.
non Pontif.

ORATIO.

Omnipotens sempiterne Deus, qui
Beatum Simonem Confessorem
tuum Evangelica prædicationis gratia
sublimasti, concede propitius; ut ejus
salutaris doctrinæ pabulo nutriti, quæ tibi
sunt placita, exsequentes, per semitas
justitiae ad cœlestem patriam feliciter
peruenire valeamus. Per Dominum &c.

DIE XIX. JULII.

S. Joannis de Dukla Conf. dupl.

Missa. Os justi. de Comm. Conf. non
Pontificis.

ORATIO.

Deus, qui Beatum Joannem Confes-
sorem tuum eximiæ humilitatis, &
patientiæ donis decorasti: concede pro-
pitius, ut ejusdem imitantes exempla,
consequamur & præmia. Per Dom.

DIE XX. JULII.

S. Ceslai Confessoris, duplex.

Missa. Os justi. de Comm. Conf. non
Pontif. Evang. Designavit Dominus.
Ex Missa S. Marci xxv. April.

ORATIO.

Deus, qui Beatum Ceslaum virgineo-
morum candore præditum, & salu-
tis animarum zelo succensum in diversis
nationum populis, operum sanctitate,
& fidei propagatione mirabilem effeci-

sti: præsta quæsumus, ut ejus interces-
sione, simus semper in fide stabiles, & ad
te, qui solus es æternæ salutis auctor ac
largitor, misericordiæ tuæ munere per-
venire valeamus. Per Dominum &c.

DIE XXI. JULII.

S. Hieronymi Æmiliani, Confessoris.

Introitus. Jerem. thr. 2. ii.

Effusum est in terra jecur meum super
contritione filiæ populi mei, cum
deficeret parvulus, & lactens in plateis
oppidi. Psalm. iii. Laudate pueri Do-
minum: laudate nomen Domini. Glo-
ria Patri &c. Effusum est &c. Gloria
in excelsis &c:

OREMUS.

Deus, misericordiarum Pater, per me-
rita, & intercessionem Beati Hiero-
nymi, quem Orphanis adjutorem, & pa-
trem esse voluisti: concede, ut spiritum
adoptionis, quo Filii tui nominamur, &
sumus, fideliter custodiamus. Per Do-
minum &c.

Lectio Isaiæ Proph. cap. 58. v. 7.

Frange esuriensi panem tuum, & ege-
nos, vagosque induc in domum tu-
am: cum videris nudum, operi eum, &
carnem tuam ne despixeris. Tunc e-
rumpet quasi mane lumen tuum, & sani-
tas tua citius orietur, & anteibit faciem
tuam justitia tua, & gloria Domini col-
liget te. Tunc invocabis, & Dominus
exaudiet: clamabis, & dicet: Ecce ad-
sum; si abstuleris de medio tui catenam
& desieris extendere digitum, & loqui
quod non prodest. Cum effuderis esu-
rienti animam tuam, & animam affli-
ctam repleveris, orietur in tenebris lux
tua, & tenebræ tuæ erunt sicut meridies.
Et requiem tibi dabit Dominus semper,
& implebit splendoribus animam tuam,
& ossa tua liberabit, & eris quasi hortus
irriguus, & sicut fons aquarum, cuius
non deficient aquæ.

Graduale. Prov. 5. v. 16. Deriventur
fontes tui foras, & in plateis aquas tuas
divide.

divide. **v. Psalm. cxi.** Jucundus homo, qui miseretur, & commodat: disponet sermones suos in judicio, quia in æternum non commovebitur. Alleluja, Alleluja. Dispersit, dedit pauperibus, justitia ejus manet in sæculum sæculi. Alleluja.

Post Septuag. omissis Alleluja, & Versi
sequenti dicitur

Tractus. Job. 31. v. 16. &c. Si negavi, quod volebant, pauperibus, & oculos viduæ exspectare feci.

v. Si comedi buccellam meam solus, & non comedit pupillus ex ea.

v. Quia ab infantia crevit mecum misericordia, & de utero matris meæ egredia est mecum.

Tempore Paschali in Missis votivis
omittitur Graduale, & ejus loco dicitur
Alleluja, Alleluja.

Psalm. cxi. Dispersit, dedit pauperibus: justitia ejus manet in sæculum sæculi, Alleluja. **v. Psalm. 83.** Elegi abjectus es in domo DEI mei, magis quam habitare in tabernaculis peccatorum, Allel.

† Sequentia Sancti Evangelii secundum
Matthæum. Cap. 19. v. 13.

In illo tempore oblati sunt ei parvuli, ut manus eis imponeret, & oraret. Discipuli autem increpabant eos. JESUS vero ait eis: Sinite parvulos, & nolite eos prohibere ad me venire: talium est enim regnum cœlorum. Et cum imposuisset eis manus, abiit inde. Et ecce unus accedens, ait illi: Magister bone, quid boni faciam, ut habeam vitam æternam? Qui dixit ei: Quid me interrogas de bono? Unus est bonus, DEUS. Si autem vis ad vitam ingredi, serva mandata: Dicit illi: Quæ? JESUS autem dixit: Non homicidium facies: Non adulterabis: Non facies furtum: Non falsum testimonium dices: Honora patrem tuum, & matrem tuam: & diliges proximum tuum sicut te ipsum. Dicit illi adolescens: Omnia hæc custodivi a

juventute mea, quid adhuc mihi deest? Ait illi JESUS: Si vis perfectus esse, vade, vende, quæ habes, & da pauperibus, & habebis thesaurum in cœlo: & veni, sequere me.

Offertorium. Tobiæ 12.

Quando orabas cum lacrymis, & se peliebas mortuos, & derelinquebas prandium tuum, & mortuos abscondebas per diem in domo tua, & nocte se peliebas eos, ego obtuli orationem tuam Domino.

Secreta.

Clementissime DEUS, qui veteri homine consumpto novum secundum te in B. Hieronymo creare dignatus es: Da per merita ipsius, ut nos pariter renovati hanc placationis hostiam in odorem tibi suavissimum offeramus. Per Dominum &c.

Communio. Jacob. 1. v. 27.

Religio munda, & immaculata apud DEUM, & Patrem hæc est: Visitate pupilos, & viduas in tribulatione eorum, & immaculatum se custodire ab hoc sæculo.

Postcommunio.

Angelorum pane refeisti te, Domine, suppliciter deprecamur; ut qui annuam B. Hieronymi Confessoris tui memoriam celebrare gaudemus, ejusdem etiam & exemplum imitemur, & amplissimum in regno tuo præmium obtainere valeamus. Per Dominum &c.

DIE XXIV. JULII.
S. Camilli de Lellis, Confessoris.

Introitus.

Majorem hac dilectionem nemo habet, ut animam suam ponat quis pro amicis suis. **Psalm. 40.** Beatus qui intelligit super egenum, & pauperem; in die mala liberabit eum Dominus. Gloria Patri.

ORATIO.

Deus, qui Sanctum Camillum ad animarum in extremo agone luctantium

tium subsidium, singulari charitatis prærogativa decorasti, ejus, quæsumus, meritis Spiritum nobis tuæ dilectionis infunde, ut in hora exitus nostri hostem vincere, & ad cœlestem mereamur coronam pervenire. Per Dominum &c. in unitate ejusdem &c.

Lectio Epistolæ Beati Joannis Apostoli.

I. Joan. 3.

Charissimi nolite mirari, si odit vos mundus. Nos scimus, quoniam translati sumus de morte ad vitam, quoniam diligimus fratres. Qui non diligit manet in morte: omnis qui odit fratem suum, homicida est. Et scitis, quoniam omnis homicida non habet vitam æternam in semetipso manentem. In hoc cognovimus Charitatem DEI, quoniam ille animam suam pro nobis posuit, & nos debemus pro Fratribus animas ponere. Qui habuerit substantiam hujus mundi, & viderit fratrem suum necessitatem habere, & clauerit viscera sua ab eo, quomodo charitas DEI manet in eo? Filioli mei non diligamus verbo, neque lingua, sed opere & veritate.

Graduale. Psal. 36.

Os justi meditabitur Sapientiam, & lingua ejus loquetur judicium. Lex DEI ejus in corde ipsius, & non supplantabuntur gressus ejus. Allel. Allel.

B. Beatus vir, qui timet Dominum: in mandatis ejus cupit nimis. Alleluja.

Sequentia Sancti Evangelii secundum Joannem. Cap. 15.

In illo tempore: Dixit JESUS Discipulis suis: Hoc est præceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis, quæ ego præcipio vobis. Jam non dicam vos servos, quia servus nescit, quid faciat Dominus ejus. Vos autem dixi amicos; quia omnia quæcumque audivi a Patre meo, nota feci vobis. Non vos

me elegistis, sed ego elegi vos, ut eatis, & fructum afferatis, & fructus vester maneat, ut quodcumque petieritis Patrem in nomine meo, det vobis.

Offertorium. Psal. 20.

In virtute tua Domine lætabitur justus, & super Salutare tuum exultabit vehementer, desiderium animæ ejus tribuisti ei.

Secreta.

Hostia immaculata, qua illud Domini nostri JESU CHRISTI immensæ Charitatis opus renovamus, Sancto Camillo intercedente, sit contra omnes corporis & animæ infirmitates salutare remedium, & in extremo agone solatum, & tutela. Per eundem &c.

Communio. Matth. 25.

Infirmus fui, & visitasti me: Amen amen dico vobis, quamdiu fecistis uni ex his fratribus meis minimis: mihi fecistis.

ORATIO.

Per hæc cœlestia alimenta, quæ Sancti Camilli Confessoris tui Solemnia celebrantes, pia devotione suscepimus, da quæsumus, Domine, ut in hora mortis nostræ Sacramentis refecti, & culpis omnibus expiati, in sinum misericordiæ tuæ læti suscipi mereamur. Qui vivis & regnas &c.

DOMINICA PROXIMA POST

XXIV. JULII.

S. Cunegundæ Virginis, duplex.

Missa. Dilexisti.

ORATIO.

Deus, qui B. Cunegundam dulcedinis tuæ benedictionibus prævenisti, ac Virginem etiam in conjugio conservasti, præsta quæsumus, ut ipsa interveniente per vitæ puritatem tibi jugiter adhærere, & per ejus vestigia gradientes, ad te pervenire feliciter mereamur. Per Dominum &c.

Die

DIE XXVI. JULII.

S. Christinæ Virg. Mart.

duplex in Dicecesi Posnaniensi, Plocensi.
Luceoriensi, & Varmien.

Missa. Me exspectaverunt. de Comm.
Virg. & Mart.

DIE XXVIII. JULII.

S. Bodvidi Martyris. duplex.

Missa. Lætabitur justus. ut in Com-
muni Martyris.

ORATIO

Cordibus nostris, quæsumus Domine,
veræ fidei splendor illuceat: & Bea-
ti Bodvidi Martyris tui salutaris interces-
sio ab instantibus periculis nos defendat.
Per Dominum &c.

Secreta.

A ccepta sit in conspectu tuo, Domine,
nostra devotio: & eorum nobis
fiat supplicatione salutaris, pro quorum
solemnitate defertur. Per Dominum &c.

Communio.

Qui mihi ministrat, me sequatur: &
ubi sum ego, illic & minister
meus erit.

Postcommunio.

R efecti participatione muneris sacri,
quæsumus Domine Deus noster:
ut, cuius exsequimur cultum, interceden-
te Beato Bodrido Martyre tuo, sentia-
mus effectum. Per Dominum &c.

DIE XXIX. JULII.

In festo S. Olavi Regis & Martyris. dupl.

Missa. In virtute tua. de Comm. unius
Mart. Evangelium ex Missa. Sacerdotes
DEI. Si quis vult post me venire.

ORATIO.

D eus, qui es Regum corona, & Mar-
tyrum victoria: tribue nobis, quæ-
sumus, Beati Olavi Regis & Martyris tui
pia apud te experiri patrocinia: ut per
tuam, quam in ejus passione glorifica-
mus, magnificentiam, coronam vitæ di-

ligentibus te percipiamus re promissam.
Per Dominum &c.

Offertorium.

Gloria, & honore coronaisti eum, &
constituisti eum super opera ma-
muum tuarum Domine.

Secreta.

M uneribus nostris, quæsumus Domi-
ne, precibusque suscep tis, & cœ-
lestibus nos munda mysteriis, & clemen-
ter exaudi. Per Dominum &c.

Communio.

Qui vult venire post me, abneget se-
met ipsum: & tollat crucem suam,
& sequatur me.

Postcommunio.

D a quæsumus, Domine Deus noster:
ut, sicut tuorum commemora-
tione Sanctorum temporali gratulamur of-
ficio, ita perpetuo lætemur aspectu.
Per Dominum &c.

DIE XXXI. JULII.

In festo S. Helenæ, Viduæ & Mart. dupl.
Introitus.

M e exspectaverunt peccatores, ut
perderent me: testimonia tua Do-
mine intellexi: omnis consummationis
vidi finem: latum mandatum tuum ni-
mis. Psal. Beati immaculati in via: qui
ambulant in lege Domini. v. Gloria.

ORATIO.

L argire nobis, quæsumus, clementissi-
me Deus, intercessione Beatæ Hele-
næ Martyris tuæ, veniam nostrorum pec-
catorum: & quos ejus concedis solem-
niis gloriari, da ejus precibus glorio sis
cœlitus adjuvari. Per Dominum &c.

Lectio Libri Sapientiæ.

M ulierem fortè quis inveniet? Pro-
cul, & de ultimis finibus pretium
ejus. Confidit in ea cor viri sui: & spo-
liis non indigebit. Reddet ei bonum,
& non malum, omnibus diebus vitæ suæ.
Quæsivit lanam & linum: & operata est
consilio manuum suarum. Facta est

quasi navis institoris, de longe portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos: & roboravit brachium suum. Gustavit, & vidiit, quia bona est negotiatio ejus: non extinguetur in nocte lucerna ejus. Manum suam misit ad fortia: & digitum ejus apprehenderunt fumum. Manum suam aperuit inopi: & palmas suas extendit ad pauperem. Non timebit domui suæ a frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando federit cum senatoribus terræ. Sindonem fecit, & vendidit, & cingulum tradidit Chananæo. Fortitudo, & decor indumentum ejus, & ridebit in die novissimo. Os suum aperuit sapientiæ: & lex clementiæ in lingua ejus. Consideravit semitas domus suæ: & panem otiosa non comedit. Surrexerunt filii ejus, & beatissimam prædicaverunt: vir ejus & laudavit eam. Multæ filiæ congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Graduale.

Dilexisti justitiam, & odisti iniquitatem. **v.** Propterea unxit te DEUS, DEUS tuus oleo lætitiae, Alleluja, Alleluja.

v. Specie tua, & pulchritudine tua: intende, prospere, procede, & regna, Alleluja.

† Sequentia Sancti Evangelii secundum Matthæum. **Cap. 12.**

In illo tempore: Loquente JESU ad turbas, ecce mater ejus, & fratres stabant foris, querentes loqui ei. Dixit autem ei quidam: Ecce mater tua, &

fratres tui foris stant, querentes te. At ipse respondens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea, & fratres mei. Quicumque enim fecerit voluntatem Patris mei, qui in cœlis est, ipse meus frater, & soror, & mater est.

Offertorium.

Diffusa est gratia in labiis tuis, propria benedixit te DEUS in æternum, & in sæculum sæculi, Alleluja.

Secreta.

Suscipe Domine munera, quæ in Beatæ Helenæ Martyris tuæ solemnitate deferimus: cuius nos confidimus patrocinio liberari. Per Dominum &c.

Communio.

Principes persecuti sunt me gratis, & a verbis tuis formidavit cor meum: lætabor ego super eloquia tua, & quasi qui invenit spolia multa.

Postcommunio.

Auxilientur nobis, Domine, sumpta mysteria: & intercedente Beata Helena Martyre tua, sempiterna faciant protectione gaudere. Per Dominum.

FESTA AUGUSTI.

DIE II. AUGUSTI.
Commemoratio Sanctæ Catharinæ V stanensis Virg.

Missa. ut supra xxiii. Martii.

DIE XVI. AUGUSTI.
S. Rochi Confessoris. **duplex.**
Missa ex Communi Abbatis.

ORATIO.
Deus, qui gloriosus es in Sanctis tuis, qui que cunctis ad eorum patrocinia confugientibus suæ petitionis salutarem præstas effectum; concede plebi tua, ut intercedente B. Rocho Confessore tuo, quæ in ejus commemoratione

se devotam exhibet, a languore epidemiae, quem in suo corpore pro tui nominis gloria passus est, sit libera; & tuo nomini semper sit devota. Per &c.

DOMINICA PROXIMA POST FESTUM ASSUMPTIONIS B. V. MARIAE.

S. Hyacinthi Confessoris. **duplex.**

Introitus.

Os justi meditabitur sapientiam, & lingua ejus loquetur judicium: lex DEI ejus in corde ipsius. **Psalm.** Noli æmulari in malignantibus: neque zelaveris facientes iniquitatem. **v. Gloria.**

ORATIO.

Adesto Domine, supplicationibus nostris, quas in Beati Hyacinthi Confessoris tui solemnitate deferimus: ut, qui nostræ justitiae fiduciam non habemus, ejus, qui tibi placuit, precibus adjuvemur. Per Dominum &c.

Vel ORATIO.

Deus, qui Beatum Hyacinthum Confessorem tuum, in diversis nationum populis operum sanctitate, & miraculorum gloria fecisti conspicuum: da nobis, ut suis in melius reformemur exemplis, & in adversis protegamus auxiliis. Per Dominum &c.

Secunda Oratio de Octava Assumptionis B. Mariae. Famulorum tuorum.

Tertia de Octava S. Laurentii. Da nobis.

Lectio Epistolæ Beati Pauli Apostoli ad Corinthios.

Fratres, spectaculum facti sumus mundo & angelis, & hominibus. Nos stulti propter Christum: vos autem prudentes in Christo. Nos infirmi: vos autem fortes. Vos nobiles: nos autem ignobiles. Usque in hanc horam & esurimus & sitimus, & nudi sumus, & colaphis cædimur, & instabiles sumus, & laboramus operantes manibus nostris. Maledicimur: & benedicimus. Persecutionem patimur: & sustinemus. Blas-

phemamur: & obsecramus. Tanquam purgamenta hujus mundi facti sumus, omnium peripsema usque adhuc. Non ut confundam vos, haec scribo: sed ut filios meos charissimos moneo in CHRISTO JESU Domino nostro.

Graduale.

Justus ut palma florebit: sicut cedrus Libani multiplicabitur in domo Domini. **v.** Ad annuntiandum mane misericordiam tuam, & veritatem tuam per noctem. Alleluja, Alleluja. **x.** Beatus vir, qui suffert temptationem, quoniam cum probatus fuerit, accipiet coronam vitæ, Alleluja.

+ Sequentia Sancti Evangelii secundum Lucam.

In illo tempore: Dixit JESUS discipulis suis: Sint lumbi vestri præcincti, & lucernæ ardentes in manibus vestris. Et vos similes hominibus exspectantibus Dominum suum, quando revertatur a nuptiis: ut cum venerit, & pulsaverit, confessim aperiant ei. Beati servi illi, quos cum venerit Dominus, invenerit vigilantes. Amen dico vobis, quod præcinctus se, & faciet illos discubere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit: beati sunt servi illi. Hoc autem scitote, quoniam si sciret paterfamilias, qua hora fur veniret: vigilaret utique, & non sineret perfodi domum suam. Et vos estote parati: quia qua hora non putatis, filius homines veniet.

Credo.

Offertorium.

Veritas mea, & misericordia mea cum ipso: & in nomine meo exaltabitur cornu ejus.

Secreta.

Præsta nobis, quæsumus omnipotens DEUS: ut nostræ humilitatis oblatione, & pro tuorum tibi grata sit honore sanctorum, & nos corpore pariter & mente purificher. Per Dominum &c.

G

Com-

Communio.

Beatus servus, quem, cum venerit Dominus, invenerit vigilantem: Amen dico vobis, super omnia bona sua constituet eum.

Postcommunio.

Quæsumus, omnipotens Deus: ut qui cœlestia alimenta percepimus, intercedente Beato Hyacintho Confessore tuo, per hæc contra omnia adversa muniamur. Per Dominum &c.

DIE XVIII. AUGUSTI.

S. Joachim Genitoris B. M. V. Protectoris R. P. & M. D. L.

Missa A S. R. Congreg. XI. Maii 1765.
approbata.

Introitus. Eccl. 44.

Laudemus virum gloriosum in generatione sua, quia benedictionem omnium gentium dedit illi Dominus, & testamentum suum confirmavit super caput ejus. **Psal. cxii.** Potens in terra erit semen ejus, generatio rectorum benedicetur. **Gloria Patri. Laudemus.**

ORATIO.

Deus, qui præ omnibus Sanctis tuis Beatum Joachim Genitricis Filii tui Patrem esse voluisti, concede, quæsumus, ut cuius Festa veneramur, ejus quoque perpetua patrocinia sentiamus. Per eundem Dominum &c.

Commem. Dominicæ occur.

Lectio Libri Ecclesiastici. Cap. 44.

Laudemus viros gloriosos, & Parentes nostros in generatione sua. Multam gloriam fecit Dominus magnificentia sua a sœculo. Dominantes in potestatibus suis homines magni virtute, & prudentia sua prædicti, nunciantes in Prophetis dignitatem Prophetarum, & imperantes in præsenti populo, & virtute prudentiæ populis sanctissima verba. In peritia sua requirentes modos musicos, & narrantes carmina scripturarum. Homines divites in virtute, pul-

chritudinis studium habentes, pacificantes in domibus suis. Omnes isti in generationibus gentis suæ gloriam adepti sunt, & in diebus suis habentur in laudibus. Qui de illis nati sunt, reliquerunt nomen narrandi laudes eorum.

Graduale. Psal. cxii.

Potens in terra erit semen ejus, generatio rectorum benedicetur. Gloria & divitiæ in domo ejus, & justitia ejus manet in sœculum sœculi, Alleluja, Alleluja.

V. O Joachim Sancte, Conjux Annæ, Pater almæ Virginis, hic famulis confer salutis opem. Alleluja.

† Initium Sancti Evangelii secundum Matthæum. Cap. i.

Liber generationis IESU CHRISTI Filii David, filii Abraham. Abraham genuit Isaac, Isaac autem genuit Jacob, Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Esron, Esron autem genuit Aram, Aram autem genuit Aminadab, Aminadab autem genuit Naasson, Naasson autem genuit Salmon, Salmon autem genuit Booz de Rachab. Booz autem genuit Obed ex Ruth, Obed autem genuit Jesse, Jesse autem genuit David Regem, David autem Rex genuit Salomonem ex ea, quæ fuit Uriæ. Salomon autem genuit Roboam, Roboam autem genuit Abiam, Abias autem genuit Asa, Asa autem genuit Josaphat, Josaphat autem genuit Joram, Joram autem genuit Oziam, Ozias autem genuit Joathan, Joathan autem genuit Achaz, Achaz autem genuit Ezechiam, Ezechias autem genuit Manassem, Manasses autem genuit Amon, Amon autem genuit Josiam, Josias autem genuit Jechoniam, & fratres ejus in transmigratione Babylonis. Et post transmigrationem Babylonis Jechonias genuit Salathiel, Salathiel autem genuit Zorobabel, Zorobabel autem genuit Abiud, Abiud autem genuit Eliacim, Eliacim autem

autem genuit Azor, Azor autem genuit Sadoc, Sadoc autem genuit Achim, Achim autem genuit Eliud, Eliud autem genuit Eleazar, Eleazar autem genuit Mathan, Mathan autem genuit Jacob, Jacob autem genuit Joseph, Virum Mariæ, de qua natus es JESUS, qui vocatur CHRISTUS.

Credo.

Offertorium. Eccl. Cap. 44.

Dedit illi Dominus gloriam, & exaltavit semen ejus usque ad terminos terræ.

Secreta.

Suscipe, clementissime DEUS, sacrificium in honorem Sancti Patriarchæ Joachim Patris Mariae Virginis, Majestati tuæ oblatum: ut ipso cum Conjugé sua, & beatissima prole intercedente, perfectam consequi mereamur remissionem peccatorum, & gloriam sempiternam. Per Dominum &c.

Communio.

Factum est illi testamentum æternum, & semini ejus sicut dies cœli.

Postcommunio.

Quæsumus, omnipotens DEUS, ut per hæc Sacraenta quæ sumptimus, intercedentibus meritis & precibus Beati Joachim Patris Genitricis dilecti Filii tui Domini nostri JESU CHRISTI, tuæ gratiæ in præsenti, & æternæ gloriæ in futuro participes esse mereamur. Per eundem Dominum &c.

DIE XVIII. AUGUSTI.

In festo B. Claræ de Monte Falcon. V.

ORATIO.

Deus, qui Beatam Virginem tuam Claram clarificans, in ipsius corpore Passionis tuæ, & Trinitatis Mysteria renovasti: præsta quæsumus, ejus precibus & imitatione sic nos tuæ passionis amaritudinem recordari, ut Trinitatis beatitudine perfaci mereamur. Qui vivis & regnas cum DEO Patre &c.

DIE XIX. AUGUSTI.
In festo S. Benignæ Virg. & Mart. **duplex.**
in Dicēcesi Vladislaviensi.

Missa. Loquebar. De Comm. Virg. & Martyr.

Offertorium.

Diffusa est gratia in labiis tuis, propætrea benedixit te DEUS in æternum, & in sæculum sæculi.

Communio.

Quinque prudentes virgines acceptarunt oleum in vasis suis cum lampadibus: media autem nocte clamor factus est, ecce sponsus venit, exite obviām CHRISTO Domino.

DOMINICA POST OCTAVAM ASSUMPTIONIS B. V. MARIAE.

Translatio S. Casimiri Confessoris, dupl.
Missa. Os justi. De Communi Conf. non Pont.

ORATIO.

Deus, qui B. Casimirum de mundi & carnis victoria triumphantem, a terreno ad cœleste regnum transtulisti; da quæsumus, ut, qui ejus hodie memoriam translationis agimus, ejusdem semper in adversitatibus experiamur suffragia. Per Dominum &c.

DIE XXI. AUGUSTI.
S. Joannæ Franciscæ Fremiot de Chantal.

Introitus. Psalm. 118.

Cognovi Domine, quia æquitas iudicia tua, & in veritate tua humiliasti me: confige timore tuo carnes meas: a mandatis tuis timui. Psal. ibid. Beati immaculati in via, qui ambulant in lege Domini. **v. Gloria Patri.**

ORATIO.

Omnipotens, & misericors DEUS, qui Beatam Joannem Franciscam tuo amore succensam admirabili Spiritus fortitudine per omnes vitæ semitas in via perfectionis donasti; quique per illum illustrare Ecclesiam tuam nova prole

Graduale. Psal. 44.

Diffusa est gratia in labiis tuis: propterea benedixit te DEUS in æternum.

V. Propter veritatem, & mansuetudinem, & justitiam: & deducet te mirabiliter dextera tua. Alleluja, Alleluja.

V. Specie tua, & pulchritudine tua: intende, prospere, procede, & regna. Alleluja.

T Sequentia Sancti Evangelii secundum Matthæum. **Cap. 13.**

In illo tempore: Dixit JESUS discipulis suis parabolam hanc: Simile est Regnum Cœlorum thesauro abscondito in agro: quem qui invenit homo abscondit, & præ gaudio illius vadit, & vendit universa quæ habet, & emit agrum illum. Iterum simile est Regnum Cœlorum homini negotiatori quærenti bonas margaritas. Inventa autem una preiosa margarita abiit, & vendidit omnia quæ habuit, & emit eam. Iterum simile est Regnum Cœlorum sagenæ missæ in mare, & ex omni genere piscium congreganti. Quam, cum impleta esset, eduentes, & secus littus sedentes, elegerunt bonos in vasæ, malos autem foras miserunt. Sic erit in consummatione sæculi: exhibunt Angeli, & separabunt malos de medio justorum, & mittent eos in caminum ignis, ibi erit fletus, & stridor dentium. Intellexisti hæc omnia? Dicunt ei: Etiam. Ait illis: Ideo omnis scriba doctus in regno cœlorum, similis est homini patrifamilias, qui profert de thesauro suo nova, & vetera.

Offertorium. Psal. 44.

Diffusa est gratia in labiis tuis: propterea benedixit te DEUS in æternum, & in sæculum sæculi.

Secreta.

Illo nos amoris igne, quæsumus Domine, hæc hostia salutaris inflammet, quo Beatæ Joannæ Franciscæ cor vehementer incendit, & flammis adussit æternæ charitatis. Per Dominum &c.

Com.

le voluisti: ejus meritis, & precibus concede, ut qui infirmitatis nostræ consciï de tua virtute confidimus, cœlestis gratiæ auxilio, cuncta nobis adversantia vincamus. Per Dominum &c.

Lectio Libri Sapientiæ. Prov. c. 31.

Mulierem fortem quis inveniet? Procul, & de ultimis finibus pretium ejus. Confidit in ea cor viri sui: & spoliis non indigebit. Reddet ei bonum, & non malum, omnibus diebus vitæ suæ. Quæsivit lanam & linum: & operata est consilio manuum suarum. Facta est quasi navis insitoris, de longe portans panem suum. Et de nocte surrexit, redditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit, & vidit, quia bona est negotiatio ejus: non extinguetur in nocte lucerna ejus. Manum suam misit ad fortia, & digitæ ejus apprehenderunt fusum. Manum suam aperuit inopi, & palmas suas extendit ad pauperem. Non timebit domui suæ a frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando federit cum senatoribus terræ. Sindonem fecit, & vendidit, & cingulum tradidit Chananaeo. Fortitudo, & decor indumentum ejus, & ridebit in die novissimo. Os suum aperuit sapientiæ, & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt: vir ejus, & laudavit eam. Multæ filiæ congregaverunt divitias, tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Communio.

Dilexisti justitiam, & odisti iniquitatem: propterea unxit te Deus, Deus tuus, oleo latitiae praे confortibus tuis.

Postcommunio.

Spiritum nobis Domine tuæ charitatis infunde, ut, quos cœlestis panis virtute satiasti, Beata Joanna Francisca intercedente, facias terrena despicere, & te solum DEUM pura mente sectari. Per Dominum &c. in unitate ejusdem Spiritus &c.

DIE XXII. AUGUSTI.

S. Josephi Calasanctii Confessoris.

Introitus. Psal. 33.

Venite filii, audite me, timorem Domini docebo vos.

Benedicam Dominum in omni tempore, semper laus ejus in ore meo. Gloria Patri &c. Venite filii &c.

ORATIO.

Deus, qui per Sanctum Josephum Confessorem tuum ad erudiendam spiritu intelligentiæ, ac pietatis juventutem novum Ecclesiae tuæ subsidium providere dignatus es; præsta, quæsumus, nos ejus exemplo, & intercessione ita facere & docere, ut præmia consequamur æterna. Per Dominum &c.

Lectio Libri Sapientiæ. **Cap. 10.**

Justum deduxit Dominus per vias reætas, & ostendit illi Regnum DEI, & dedit illi scientiam Sanctorum, honestavit illum in laboribus, & complevit labores illius. In fraude circumvenientium illum adfuit illi, & honestum fecit illum. Custodivit illum ab inimicis, & a seductoribus tutavit illum; & certamen forte dedit illi, ut vinceret, & sciret, quoniam omnium potentior est Sapientia. Hæc venditum iustum non dereliquit, sed a peccatoribus liberavit eum, descenditque cum illo in foveam, & in vinculis non dereliquit illum; donec affer-

ret illi sceptrum Regni, & potentiam adversus eos, qui eum deprimebant; & mendaces ostendit, qui maculaverunt illum, & dedit illi claritatem æternam Dominus Deus noster.

Graduale. Psal. 36.

Os justi meditabitur sapientiam, & lingua ejus loquetur judicium.

v. Lex DEI ejus in corde ipsius, & non supplantabuntur gressus ejus. Alleluja, Alleluja.

v. Jacob. Cap. 1. Beatus vir, qui suffert temptationem, quoniam cum probatus fuerit, accipiet coronam vitæ. Alleluja.

Post Septuagesimam omissis Alleluja.
Et versu sequenti, dicitur Tractus.

Psalm. 3. Beatus vir, qui timet Dominum, in mandatis ejus cupit nimis.

v. Potens in terra erit semen ejus, generatio rectorum benedicetur.

v. Gloria & divitiæ in domo ejus, & justitia ejus manet in sæculum sæculi.

Tempore Paschali omittitur Graduale, & ejus loco dicitur Allel. Allel.

v. Jac. 1. Beatus vir, qui suffert temptationem, quoniam cum probatus fuerit, accipiet coronam vitæ, Alleluja.

v. Eccl. 45. Amavit eum Dominus, & ornavit eum, stolam gloriæ induit eum. Alleluja.

Sequentia Sancti Evangelii secundum Matthæum. **Cap. 18.**

In illo tempore: Accesserunt Discipuli ad JESUM, dicentes: Quis, putas, major est in Regno Cœlorum? Et advoçans JESUS parvulum statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in Regnum Cœlorum. Quicumque ergo humiliaverit se sicut parvulus iste, hic est major in Regno Cœlorum, & qui suscepit unum parvulum talem in nomine meo, me suscipit.

Credo.

H

Offer-

Offertorium. Psal. 10.

Desiderium pauperum exaudivit Dominus: præparationem cordis eorum audivit auris tua.

Secreta.

Altare tuum, Domine, muneribus cumulamus oblati; ut ejus nobis fint supplicatione propitia, cuius nos donasti patrocinio adjuvari. Per Dominum &c.

Communio. Marc. Cap. 10.

Sinite parvulos venire ad me, & ne prohibueritis eos: talium est enim Regnum Dei.

Postcommunio.

Sanctificati, Domine, salutari mysterio quæsumus, ut intercedente Sancto Josepho Confessore Tuo ad majus semper proficiamus pietatis incrementum. Per Dominum &c.

DIE XXIX. AUGUSTI.

In festo S. Sabinae Martyris, duplex.
in Eccl. Cath. Posnaniensi.

Introitus.

Me exspectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis. **Psal.** Beati immaculati in via: qui ambulant in lege Domini. **v. Gloria.**

ORATIO.

Deus, qui inter cætera potentia tua miracula, etiam in sexu fragili vitoriam Martyrii contulisti: concede propitius: ut, qui B. Sabinae Martyris tua natalitia colimus, per ejus ad te exempla gradiamur. Per Dominum &c.

Epistola. Confitebor tibi Domine Rex
Ut in Missa. Loquebar.

Graduale. Dilexisti justitiam, & odisti iniquitatem. **v.** ropterea unxit te Deus, Deus tuus oleo lætitiae. Alleluja, Alleluja. **v.** pecie tua, & pulchritudine tua: intende, prospere procede, & regna. Alleluja.

Evangelium. Simile est regnum cœlorum thesauro abscondito in agro. De Communi.

Offertorium.

Diffusa est gratia in labiis tuis, propterea benedixit te Deus in æternum, & in sæculum sæculi. Alleluja.

Secreta.

Hostias tibi Domine, Beatae Sabinae Martyris tuae dicatas meritis, benignus assume: & ad perpetuum nobis tribue pervenire subsidium. Per &c.

Communio.

Principes persecuti sunt me gratis, & à verbis tuis formidavit cor meum: lætabor ego super eloquia tua, quasi qui invenit spolia multa.

Postcommunio.

Divini munera largitate satiati, quæsumus Domine Deus noster: ut intercedente Beata Sabina Martyre tua, in ejus semper participatione vivamus. Per Dominum &c.

DIE XXX. AUGUSTI.

S. Rosæ Limanæ, Virg. duplex.

Missa. Dilexisti. **Ex Comm.** unius Virg.

ORATIO.

Bonorum omnium largitor omnipotens Deus, qui B. Rosam cælestis gratia rore preventam, Virginitatis & pudicitiae decore Indis florescere voluisti: da nobis famulis tuis, ut in odorem suavitatis ejus currentes, Christi bonus odor effici mereamur. Per &c.

In Diœcesi Vilnensi, Samogitiensi, Livoniæ celebratur xxvi. Augusti.

DIE XXX. AUGUSTI.

SS. Felicis & Adaucti, MM. duplex in Diœcesi Vilnensi, Samogiti. & Livoniæ.

Missa ut in Missal. Rom. Additur Collecta pro Gratiarum Actione.

FESTA

FESTA SEPTEMBRIS.

DOMINICA I. SEPTEMBRIS.

Festum Reliquiarum, in Dicecesi Varm.
& Sambiensi.

Missa. ut in Missali, aut de Communi
Mart. Salus autem iustorum.

ORATIO.

Auge in nobis, quæsumus, Domine re-
surrectionis fidem, qui in Sancto-
rum tuorum Reliquiis mirabilia opera-
ris: & fac nos immortalis gloriae parti-
cipes, cuius in eorum cineribus pignora-
veneramus. Per Dominum &c.

DIE I. SEPTEMBRIS.

B. Ladislai de Gielniow, Conf. P.R.P.
duplex I. Clas.

Missa. Justus. de Comm. Conf.

ORATIO.

Deus, qui B. Ladislaus religiosa per-
fectione voluisti omnibus prælucere,
concede propitius, ut ejus exemplo in
virtutibus jugiter proficiamus. Per Do-
minum &c.

DIE VI. SEPTEMBRIS.

S. Rosaliae V. Panormitanæ. duplex in
Dicecesi Posnani. & Varmien.

Missa ut in Missali.

DIE X. SEPTEMBRIS.

In festo S. Dalmatii Mart. dupl. in Dice-
cesi Vladislaviensi.

Missa. In virtute tua. de Comm. unius
Mart. non Pont.

ORATIO.

Omnipotens sempiterne Deus, fidelis-
um tuorum indeficiens conserva-
tor, qui gloriosi Martyris tui Dalmatii
clarificare dignatus es solemnitatem, ex-
audi preces supplicantis Ecclesiae, & præ-
sta: ut, quæ devote expetit, eo suffra-
gante consequi mereatur. Per &c.

Epistola. Memor esto Dominum JE-

SUM CHRISTUM. De Communi unius
Martyris. Ex Missa. Lætabitur.

Evangelium. Si quis vult venire post
me. de Communi unius Martyris Ponti-
ficiis. Ex Missa Sacerdotes.

Offertorium.

In virtute tua Domine lætabitur justus,
& super Salutare tuum exultabit ve-
hementer, desiderium animæ ejus tri-
buisti ei.

Secreta.

Muneribus nostris, quæsumus Domi-
ne, precibusque susceptis: & cœ-
lestibus nos munda mysteriis, & clemen-
ter exaudi. Per Dominum &c.

Communio.

Qui vult venire post me, abneget se-
met ipsum; & tollat crucem suam,
& sequatur me.

Postcommunio.

Refecti participatione munera sacri,
quæsumus Domine Deus noster:
ut, cuius exsequimur cultum, interceden-
te Beato Dalmatio Martyre tuo, sentia-
mus effectum. Per Dominum &c.

DIE XVIII. SEPTEMBRIS.

S. Josephi a Cupertino, Confessoris.

Introitus.

Dilectio Dei honorabilis Sapientia:
quibus autem apparuerit in visu,
diligunt eam in visione, & in agnitione
magnalium suorum.

Psalm. Quam dilecta tabernacula tua
Domine virtutum: Concupiscit anima
mea in atria Domini. Gloria Patri.

ORATIO.

Deus, qui ad Unigenitum Filium tu-
um exaltatum a terra, omnia trahe-
re dispositi: perfice propitius; ut me-
ritis & exemplo Seraphici Confessoris
tui Josephi, supra terrenas omnes cupi-
ditates elevati, ad eum pervenire merea-
mur, qui tecum vivit & regnat in unita-
te Spiritus Sancti Deus; per omnia.

Lectio Epistolæ Beati Pauli Apostoli
ad Corinthios.

Fratres, si linguis hominum loquar, & Angelorum, Charitatem autem non habeam; factus sum velut æs sonans, aut cymbalum tinniens. Et si habuero prophetiam, & noverim Mysteria omnia, & omnem scientiam; & si habuero omnem fidem, ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum, ita ut ardeam, Charitatem autem non habuero, nihil mihi prodest. Charitas patiens est, benigna est; Charitas non æmulatur, non agit perperam, non inflatur, non est ambitiosa, non quærit, quæ sua sunt, non irritatur, non agit malum; non gaudet super iniquitate, congaudet autem veritati; omnia suffert, omnia credit, omnia sperat, omnia sustinet. Charitas nunquam excidit, sive prophetiae evanescuntur, sive linguae cessabunt, sive scientia destruetur.

Graduale.

Domine prævenisti eum in benedictionibus dulcedinis, posuisti in capite ejus coronam de lapide pretioso. **V**itam petuit a te, & tribuisti ei longitudinem dierum in sæculum, & in sæculum sæculi. Alleluja, Alleluja. **O**culus DEI respexit illum in bono, & erexit eum ab humilitate ipsius, & exultavit caput ejus. Alleluja.

Sequentia Sancti Evangelii secundum Matthæum.

In illo tempore: Loquebatur JESUS Principibus Sacerdotum, & Pharisæis in parabolis, dicens: Simile factum est Regnum Ccelorum homini Regi, qui fecit nuptias filio suo. Et misit servos suos vocare invitatos ad nuptias, & nolebant venire. Iterum misit alios servos suos, dicens: dicite invitatis, ecce prandium meum paravi, tauri mei, & altilia mea occisa sunt, & omnia parata, venite ad

nuptias; illi autem neglexerunt, & abierrunt, aliis in villam suam, alias vero ad negotiationem suam, reliqui vero tenuerunt servos ejus, & contumeliis affec-tos, occiderunt. Rex autem, cum audisset, iratus est, & missis Exercitibus suis perdidit homicidas illos, & civitatem eorum succedit. Tunc ait servis suis: nuptiae quidem paratæ sunt, sed qui invitati erant, non fuerunt digni. Ite ergo ad exitus viarum, & quoscunque inveneritis, vocate ad nuptias. Egressi servi ejus in vias, congregaverunt omnes, quos invenerunt, malos, & bonos, & impletæ sunt nuptiæ discubentium. Intravit autem Rex, ut videret discubentes; & vidit ibi hominem non vestitum ueste nuptiali, & ait illi: Amice, quomodo huc intraisti, non habens uestem nuptialem? at ille obmutuit. Tunc dixit Rex Ministris: ligatis manibus & pedibus ejus, mittite eum in tenebras exteriорes; ibi erit fletus, & stridor dentium. Multi enim sunt vocati, pauci vero electi.

Offertorium.

Ego autem, cum mihi molesti essent, induabar cilicio; humiliabam in jejuno animam meam & oratio mea in sinu meo convertetur.

Secreta.

Laudis tibi, Domine, hostias immolamus, in tuorum Commemoratione Sanctorum, quibus nos & præsentibus exui malis confidimus, & futuris. Per Dominum &c.

Communio.

Ego sum pauper, & dolens: salus tua, DEUS, suscepit me. Laudabo nomen DEI cum cantico: & magnificabo Eum in laude.

Postcommunio.

Refecti cibo, potuque cœlesti, DEUS noster, Te Supplices exoramus, ut, in cuius hæc Commemoratione percepi-mus, ejus muniamur & precibus. Per Dominum nostrum JESUM CHRISTUM Filium tuum: qui tecum.

Die

DIE XXIV. SEPTEMBRIS.

SS. Tyrsi, Palmatii, & Socior. Martyrum.
duplex in Diocesi Vladislav.

Miss. Salus autem Justorum. De Com.
plurimorum Mart.

ORATIO.

Omnipotens sempiterne Deus, qui beatum Tyrsum, Palmatium, & Socios pro confessione nominis tui fortes in certamine fecisti, & eos per Martyrii palmam sanctis tuis, in ccelis sociasti: præsta, quæsumus: ut qui Martyrii eorum diem annua devotione recolimus, ipsorum intercessione in confessione fidei simus stabiles, & in bonis operibus efficaces. Per Dominum.

Secreta.

Accepta sit in conspectu tuo, Domine, nostra devotio: & eorum nobis fiat supplicatio salutaris, pro quorum solemnitate defertur. Per Dominum.

Postcommunio.

Da, quæsumus Domine Deus noster: ut, sicut tuorum commemoratione sanctorum, temporali gratulamur officio; ita perpetuo lætemur aspectu. Per Dominum.

Ubi solius S. Tyrsi celebratur festum,
Miss. Lætabitur. Oratio. Eadem, omnis Palmatium & Socios.

DOMINICA PROXIMA

Post Festum S. Matthæi.

Festum Reliquarum Ecclesiae Upsalensis.

Miss. Salus autem. De Com. MM.

ORATIO.

Propitiare, quæsumus Domine, famulis tuis per merita gloriosæ Virginis Mariæ, & beatorum Martyrum Laurentii, Erici, & omnium Sanctorum tuorum, quorum Reliquiæ in hac continentur Ecclesia, ut eorum pia intercessione ab omnibus semper protegamus adversis. Per Dominum.

DIE XXVI. SEPTEMBRIS.

S. Josaphat Episc. Mart. *duplex.*
Miss. *Sacerdotes* De Com. unius Mart.

Pontif.

ORATIO.

Omnipotens sempiterne Deus, qui B. Josaphat palma Martyrii condorando Ecclesiae Catholicæ novum apud te intercessorem providisti, quæsumus, ut ejus meritis & auxilio, a malis omnibus liberati tuo nomini studiosius serviamus. Per Dominum nostrum.

DIE XXVII. SEPTEMBRIS.

In festo Translationis S. Stanislai Episco-
pi, & Mart. *duplex.*

Miss. Statuit. De Com. unius
Mart. Pont. Epistola. Omnis Pontifex,
Evangelium. Ego sum Pastor bonus.
Ex Missa S. Adalberti. XXIII. April.

ORATIO.

Deus, pro cuius honore gloriosus Pontifex Stanislaus gladiis impiorum occubuit: præsta, quæsumus: ut omnes, qui ejus implorant auxilium, petitionis suæ salutarem consequantur effectum. Per Dom.

SECRETA.

Munera tibi Domine dicata sanctifica: & intercedente beato Stanisla Martire tuo atque Pontifice, per eadem nos placatus intende. Per Dominum.

Postcommunio.

Hæc nos communio, Domine, purget a crimine: & intercedente Beato Stanisla Martire tuo, atque Pontifice, cœlestis remedii faciat esse consortes. Per Dominum nostrum.

DIE XXVIII. SEPTEMBRIS.

In festo S. Wenceslai Mart. *duplex.*

Introitus.

Lætabitur Justus in Domino, & spe-
rabit in eo: & laudabuntur omnes
re-

recti corde. **Psal** Exaudi Deus orationem meam, cum deprecor: a timore inimici eripe animam meam. **V.** Gloria Patri.

ORATIO.

Deus, qui Beati Wenceslai nobilitatem in meliorem mutasti dignitatem, & eum per martyrii palmarum ad celestem perduxisti gloriam: ejus precebus nos, quæsumus, ab omni adversitate libera, & æternæ beatitudinis concede perfungi gloria. Per Dominum nostrum.

Lectio Epistolæ Beati Petri Apost. **C**harissimi: Communicantes Christi passionibus, gaudete: ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis DEI, & qui est ejus spiritus, super vos requiescit. Nemo autem vestrum patiatur ut homicida, aut fur, aut maledicus, aut alienorum appetitor. Si autem ut Christianus: non erubescat, glorificet autem DEUM in isto nomine. Quoniam tempus est, ut incipiat judicium a domo DEI. Si autem primum a nobis: quis finis eorum, qui non credunt DEI Evangelio? Et si justus vix salvabitur: impius, & peccator ubi parebunt? Itaque & hi, qui patiuntur secundum voluntatem DEI: fidei creatori commendant animas suas in benefactis.

Graduale. Justus, cum ceciderit, non collidetur: quia Dominus supponit manum suam. **V.** Tota die miseretur, & commodat: & semen ejus in benedictione erit. Alleluja, Alleluja. **V.** Qui sequitur me, non ambulat in tenebris: sed habebit lumen vitæ æternæ. Alleluja.

Sequentia Sancti Evangelii secundum Matthæum.

In illo tempore; Dixit JESUS discipulis suis: Si quis vult post me venire, ab-

neget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucretur, animæ vero suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum angelis suis: & tunc reddet unicuique secundum opera ejus. **Credo.**

Offertorium.

Posuisti Domine in capite ejus corona de lapide pretioso: vitam peccati a te, & tribuisti ei, Alleluja.

Secreta.

Accepta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dom.

Communio.

Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione munera sacra, quæsumus Domine Deus noster: ut cuius exsequimur cultum intercedente Beato Wenceslao Martyre tuo, sentiamus effectum. Per Dominum.

FESTA OCTOBRIS.

DIE VI. OCTOBRIS.

Translatio S. Æschili M. P. R. S. duplex

Missa ut in festo XXII. Junii.

DIE VII. OCTOBRIS.

Sanctæ Birgittæ Viduæ. duplex.

Missa. Cognovi. **de Comm.** nec **Virg.** nec **Martyr.**

Die

ORATIO.

Domine Deus noster, qui Beatæ Birgittæ per Flium tuum unigenitum secreta cœlestia revelasti: ipsius pia intercessione, da nobis famulis tuis, in revelatione sempiternæ gloriæ tuæ gaude-re lætantes. Per Dominum.

DIE X. OCTOBRI.

Festum Gratiarum Actionis pro Victoria de Turcis obtenta.

Missa Votiva de SSS. Trinitate.

ORATIO.

Deus, qui in summis Regni nostri periculis, antiqua brachii tui miracula renovasti, suscipe gratiarum actiones exultantium populorum, & quibus tanti gaudii causam præstitisti, perpetuæ fructum concede lætitiae. Per Dominum.

Secreta. Odorem Domine.

Postcommunio.

Deus, qui neminem in te sperantem. Ut post Votivam de SSS. Trinitate ponuntur.

DIE X. OCTOBRI.

In Festo Sanctorum Gereonis, & Sociorum Mart.

Introitus.

Clamaverunt justi, & Dominus exaudivit eos. & ex omnibus tribulationibus eorum liberavit eos. **Psal.** Benedicam Dominum in omni tempore: semper laus ejus in ore meo. **v. Gloria.**

ORATIO.

Deus, qui hunc diem Beatorum Martyrum tuorum Gereonis, sociorumque ejus passione consecrasti: præsta, quæsumus: ut eorum suffragia apud testiamus in cœlis, quorum hic solemnia pio amore veneramus in terris. Per Dominum.

Lectio libri Apocalypsis Beati Joannis Apostoli.

In diebus illis: Respondit unus de senioribus, & dixit mihi: Hi, qui amicti sunt stolis albis, qui sunt, & unde venerunt? Et dixi illi: Domine mi, tu scis. Et dixit mihi: Hi sunt, qui venerunt de tribulatione magna: & laverunt stolas suas, & dealbaverunt eas in sanguine Agni. Ideo sunt ante thronum DEI, & serviant ei die ac nocte in templo ejus: & qui sedet in throno, habitabit super illos. Non esurient, neque sitient amplius: nec cadet super illos sol, neque ullus æstus. Quoniam Agnus, qui in medio throni est, reget illos: & deducet eos ad vitæ fontes aquarum, & absterget Deus omnem lacrymam ab oculis eorum.

Graduale. Vindica Domine, sanguinem sanctorum tuorum, qui effusus est.

v. Posuerunt mortalia servorum tuorum Domine, escas volatilibus cœli: carnes sanctorum tuorum bestiis terræ. Alleluja, Alleluja. **v.** Justi epulentur, & exultent in conspectu DEI: & delectentur in lætitia. Alleluja.

+ Sequentia sancti Evangelii secundum Lucam.

In illo tempore: Descendens JESUS de monte, stetit in loco campestri, & turba discipulorum ejus, & multitudo copiosa plebis ab omni Judæa, & Jerusalem, & maritima, & Tyri, & Sidonis: qui venerant, ut audirent eum, & sanarentur a languoribus suis. Et qui vexabantur a spiritibus immundis, curabantur. Et omnis turba quærebat eum tangere: quia virtus de illo exibat: & sanabat omnes. Et ipse elevatis oculis in discipulos suos: dicebat: Beati pauores: quia vestrum est Regnum DEI. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis, cum vos oderint homines,

& cum separaverint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra, multa est in cœlo.

Offertorium.

Exultabunt Sancti in gloria, lætabuntur in cubilibus suis: exultationes DEI in fauibus eorum, Alleluja.

Secreta.

Munera tibi Domine, nostræ devotionis offerimus: quæ & pro tuorum tibi grata sint honore iustorum: & nobis salutaria, te miserante, redantur. Per Dominum.

Communio.

Posuerunt mortalia servorum tuorum Domine, escas volatilibus cœli: carnes Sanctorum tuorum bestiis terræ: secundum magnitudinem brachii tui posside filios morte punitorum.

Postcommunio.

Deus, qui nos & cœlestibus pascere Sacramento, & sanctorum Martytum tuorum Gereonis, Sociorumque ejus non desinis fovere suffragiis: præsta, quæsumus: ut quod illis ad gloriam contulisti, ad nostræ prosit fragilitatis auxilium. Per Dominum.

Post X. Octobris feria non impedita
S. Ludovici Bertrandi Conf.

non Pont.

Missa Os justi.

DIE XV. OCTOBRIS.
In festo S. Hedwigis Viduæ. **duplex.**

Introitus.

Gaudeamus omnes in Domino, diem festum celebrantes sub honore Beatæ Hedwigis: de cuius solemnitate gaudent Angeli, & collaudant Filium DEI.

Psal. Eructavit cor meum verbum bonum: dico ego opera mea regi.

V. Gloria.

ORATIO.

Deus, gratiæ dator & gloriæ, tuæ nobis propius sinum pietatis aperti, & præsta: ut qui manentem civitatem hic non habemus, ad futuram, quam quærimus, beatæ Hedwigis interveniente suffragio, perducamur. Per Dominum.

Lectio. Mulierem fortem.

Evang. Simile est regnum cœlorum thesauro. **De Comm. non Virg.**

Secreta.

Accepta tibi sit, Domine, sacrata plebis oblatio, pro tuorum honore Sanctorum: quorum se meritis de tribulatione percepisse cognoscit auxilium. Per Dominum

Postcommunio.

Sumpta, quæsumus omnipotens Deus, hostia salutaris, ab adversis nos omnibus tueatur incursibus: & post hujus labores exilii, Beatæ Hedwigis intervenientibus meritis, ducat ad requiem opulentam. Per Dominum.

DIE XV. OCTOBRIS.

S. Theresæ Virg. **duplex in Diœcesi Viluensi**, ubi S. Hedwigis XVII. Octobris celebratur.

Missa ex Missali Rom.

DIE XVI. OCTOBRIS.

S. Brunonis Episcopi Mart. Apostoli Brus. siæ. **duplex in Diœcesi Varmiensi & Sambiensi.**

Missa. Statuit, **De Comm. unius Mart. Pontificis.**

ORATIO.

Misericordissime Deus, pro cuius fi dei propagatione, S. Bruno Episcopus & Martyr, in his terris sanguinem liberaliter effudit, miserere anima rum

rum populi tui, easque a culpis & pœnis liberas in Sanctorum tuorum numerum misericordissime inseras. Per Dominum.

DIE XX. OCTOBRIS.

In festo Translationis S. Adalberti Episcopi, & Mart. **duplex**.

Missa. Statuit. De Comm. unius Mart.

ORATIO.

Tuam nobis indulgentiam, quæsumus Domine, Beatus Adalbertus Episcopus, & Martyr imploret: ut & delicta nobis clementer ignoscas, & beneficia desiderata concedas. Per Dominum.

Lectio Epistolæ. **Ex Missa sequenti,** Sacerdotes. **Evang. ex Missa.** Statuit. **Si quis.**

Offertorium. Posuisti Domine in capite ejus coronam de lapide pretioso: vitam petiit a te, & tribuisti ei.

Secreta.

Sacrificium exhibitum, quæsumus Domine, benignus assume: ut quod nomini tuo in solemnitate (**vel** commemoratione) Beati Adalberti Martyris tui, atque Pontificis deferimus, nobis pro fit ad veniam. Per Dominum.

Postcommunio.

Refecti, Domine, muneribus sacris, supplices te deprecamur: ut indulgentiam tuam nobis intercessio Beati Adalberti Martyris tui atque Pontificis semper imploret. Per Dominum.

DIE XXI OCTOBRIS.

In festo S. Ursulæ & Sociarum Virginum,

duplex.

Introitus.

Gaudeamus omnes in Domino, diem festum celebrantes sub honore undecim millium Virginum: de quarum passione gaudent Angeli: & collaudant Filium Dei. **Psalm.** Exultate justi in

Domino: rectos decet collaudatio.
Gloria.

ORATIO.

Da nobis, quæsumus Domine Deus noster, sanctorum Virginum, & Martyrum tuarum Ursulæ, & Sociarum ejus, palmas incessibili devotione venerari: ut quas digna mente non possumus celebrare, humilibus saltem frequenter mus obsequiis. Per Dominum.

Pro commemoratione sancti Hilarionis Abbatis.

ORATIO.

Intercessio nos, quæsumus Domine, Beati Hilarionis Abbatis commendet: ut quod nostris meritis non valemus, ejus patrocinio assequamur. Per Dominum.

Lectio Epistolæ Beati Pauli Apostoli ad Corinthios.

Fratres: De Virginibus præceptum Domini &c. **Ex Missa.** Vultum tuum. **De Comm. Virginum.**

Graduale. Exultabunt sancti in gloria: lætabuntur in cubilibus suis. **C**antate Domino canticum novum: laus ejus in Ecclesia sanctorum. Alleluja, alleluja. **A**dducentur regi Virgines post eam: proximæ ejus afferentur tibi in lætitia. Alleluja.

Sequentia sancti Evangelii secundum Matthæum.

In illo tempore: dixit Jesus discipulis suis parabolam hanc: Simile est regnum celorum decem Virginibus &c.

Ex missa: Dilexisti. **De Comm. Virginum.**

Offertorium. Afferentur Regi virgines post eam: proximæ ejus afferentur tibi.

Secreta.

Intende, quæsumus Domine, munera altaribus tuis pro sanctorum virginum, & Martyrum tuarum Ursulæ, &

sociarum ejus, festivitate proposita: ut, sicut per hæc beata mysteria illis gloriam contulisti, ita nobis indulgentiam largiaris. Per Dominum.

Pro commemoratione sancti Hilarionis Abbatis.

Secreta.

Sacris altaribus, Domine, hostias superpositas sanctus Hilarion Abbas, quæsumus in salutem nobis provenire depositat. Per Dominum.

Communio. Quinque prudentes virginis acceperunt oleum in vasis suis cum lampadibus: media autem nocte clamor factus est, ecce sponsus venit, exite obviam Christo Domino.

Postcommunio.

Præsta nobis, quæsumus Domine, intercedentibus sanctis virginibus, & martyribus tuis, ut quod ore contingimus, pura mente capiamus. Per Dominum nostrum Jesum Christum Filium tuum. Qui tecum vivit, & regnat in unitate Spiritus Sancti Deus.

Pro commemoratione sancti Hilarionis Abbatis.

Postcommunio.

Protegat nos, domine, cum tui perceptione sacramenti Beatus Hilarion Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum nostrum JESUM CHRISTUM Filium tuum. Qui tecum vivit, & regnat in unitate Spiritus Sancti Deus.

DIE XXIII. OCTOBRIS.

S. Joannis a Capistrano Conf. duplex.

Missa. Justus ut palma. **De Comm.**
Conf. non Pontif.

ORATIO.

Deus, qui Ecclesiam tuam B. Joannis a Capistrano meritis & doctrinis mirabiliter sublimasti, & per eum deper-

fidis tyrannis in virtute SS. Nominis JESU fideles tuos triumphare fecisti, præsta quæsumus, ut de inimicis nostris ejus intercessione prævalentes in terris, præmiari cum ipso mereamur in cælis. Per Dominum.

Dominica IV. Octobris.

S. Joannis Cantii Conf. P. R. P. & M. D. L.

Introitus Eccl. 18.

Miseratio hominis circa proximum suum: misericordia autem DEI super omnem carnem. Qui misericordiam habet, docet, & erudit, quasi pastor gregem suum.

Psalm. Beatus Vir, qui non abiit in consilio impiorum, & in via peccatorum non stetit, & in cathedra pestilentiae non sedit.

Gloria Patri &c.

Miseratio hominis &c.

ORATIO.

Da, quæsumus, Omnipotens DEUS, ut S. Joannis Confessoris exemplo in scientia Sanctorum proficientes, atque aliis misericordiam exhibentes, ejus meritis indulgentiam apud te conse quamur. Per Dominum nostrum &c.

Commem. Dominicæ.

Lectio Epistolæ B. Jacobi Apostoli,
Cap. 2.

Sic loquimini, & sic facite, sicut per legem libertatis incipientes judicari. Judicium enim sine misericordia illi, qui non facit misericordiam: superexaltat autem misericordia judicium. Quid proderit, Fratres mei, si fidem quis dicat se habere, opera autem non habeat? Nunquid poterit fides salvare eum? Si autem frater, & soror nudi sint, & indigeant victu quotidiano: dicat autem aliquis ex vobis illis: Ite in pace, calefacimini, & saturamini, non

dederit autem eis, quæ necessaria sunt corpori, quid proderit? Sic & fides, si non habeat opera, mortua est in semetipsa.

Graduale Psal. 106. Confiteantur Domino misericordiæ ejus; & mirabilia ejus filiis hominum.

v. Psalm. 106. Quia satiavit animam meam, & animam esurientem satiavit bonis. Alleluja, Alleluja.

v. Proverb. 31. Manum suam aperuit inopi, & palmas suas extendit ad pauperem. Alleluja.

Sequentia S. Evangelii secundum Lucam. Cap. 12.

In illo tempore dixit JESUS Discipulis suis: Sint lumbi vestri præcincti, & lucernæ ardentes in manibus vestris, & vos similes hominibus exspectantibus dominum suum, quando revertatur a nuptiis, ut, cum venerit, & pulsaverit, confestim aperiant ei. Beati servi illi, quos, cum venerit Dominus, invenerit vigilantes, amen dico vobis, quod præcinget se, & faciet illos discubere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati, quia, qua hora non putatis, Filius hominis veniet.

Offertorium Job. 29.

Justitia indutus sum; & vestivi me sicut vestimento, & diademate, iudicio meo; oculus fui cæco, & pes clavido: Pater eram pauperum.

Secreta.

Has, quæsumus, Domine hostias S. Joannis Confessoris tui meritis benignus adsume, & præsta, ut te super omnia, & omnes propter te diligentes,

K.2

corde tibi & opere placeamus. Per Dominum nostrum &c.

Communio Luc. 6.

Date, & dabunt vobis, mensuram bonam, & confertam, & coagitatam, & supereffluentem dabunt in simum vestrum.

Postcommunio.

Pretiosi Corporis, & Sanguinis tui Domine pasti deliciis, tuam supplices deprecamur clementiam, ut S. Joannis, Confessoris tui meritis, & exemplis, ejusdem charitatis immitatores effecti, consortes simus & gloriae. Qui vivis &c.

DIE XXVIII. OCTOBRIS.

S. Petri Paschasi Episc. & Mart. dupl. min.

Missa. Sacerdotes, de Comm. unius Mart. Pont.

DIE XXXI. OCTOBRIS.

S. Wolfgangi Episc. Conf. duplex.

Missa ut in additamento Missalis.

FESTA NOVEMBRIS.

DOMINICA II. NOVEMBRIS.

Festum Patrocinii B. V. duplex,

Missa ut festo S. Mariæ ad Nives. Com mem. & Evang. ult. Dominicæ.

DIE XII. NOVEMBRIS.

In Festo SS. Quinque Fratrum Polonorum Martyrum. duplex.

Introitus.

Multæ tribulationes iustorum, & de his omnibus liberavit eos Dominus: Dominus custodit omnia ossa eorum: unum ex his non conteretur. **Psal.** Benedicat Dominum in omni tempore: semper laus ejus in ore meo. **v.** Gloria Patri. **ORA.**

ORATIO.

Sanctorum nos', quæsumus Domine, Martyrum tuorum, Benedicti, Joannis, Matthæi, Isaaci, atque Christini gloriofa hodierna die trophæa lœtificant: quatenus eorum interventione, ad illam perveniamus hæreditatem, in qua iidem felices Angelorum cœtibus aggregati, tuæ semper Majestatis perfruuntur ineffabili claritate. Per Dominum nostrum.

Lectio Libri Sapientiæ.

Hi sunt viri misericordiæ, quorum justitiæ oblivionem non acceperunt. Cum semine eorum permanent bona: hæritas sancta, nepotes eorum. Et in testamentis stetit semen eorum: & filii eorum propter eos in æternum manent. Generatio eorum non derelinquetur. Corpora eorum in pace sepulta sunt: & nomina eorum vivent in sæcula. Sapientiam eorum narrant omnes populi: & laudem eorum pronuntiet omnis Ecclesia Sanctorum.

Graduale. Ecce quam bonum, & quam jucundum, habitare fratres in unum. ¶ Sicut unguentum in capite, quod descendit in barbam, barbam Aaron. Alleluja, alleluja. ¶ Hæc est vera fraternitas, quæ vincit mundi crimina: Christum secuta est, inclita tenens regna cœlestia. Alleluja.

+ Sequentia sancti Evangelii secundum Lucam.

In illo tempore: dixit Jesus Discipulis suis: Attendite a fermento Pharisæorum quod est hypocrisis. Nihil autem opertum, quod non reveletur: neque absconditum, quod non sciatur. Quoniam hæc in tenebris dixistis, in lumine dicentur: & quod in aurem locuti estis in cubilibus, prædicabitur in teatris. Dico autem vobis amicis meis: Ne terreamini ab his, qui occidunt corpus, & post hæc non habent amplius,

quid faciant. Ostendam autem vobis, quem timeatis. Timete eum, qui postquam occiderit, habet potestatem mittere in gehennam. Ita dico vobis, hunc timete. Nonne quinque passeræ veniunt dipondio: & unus ex illis non est in obliuione coram Deo. Sed & capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: omnis, quicunque confessus fuerit mecoram hominibus, & filius hominis confitebitur illum coram Angelis DEI.

Credo.

Offertorium. Gloriabuntur in te omnes, qui diligunt nomen tuum, quoniam tu Domine benedices justo. Domine, ut scuto bonæ voluntatis tuæ, corona nos.

Secreta.

Hostias tibi Domine, sanctorum Martyrum tuorum dicatas meritis benignus assume: & ad perpetuum nobis tribue provenire subsidium. Per Dominum,

Communio. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Sumpsimus Domine, sanctorum Martyrum tuorum, Benedicti, Joannis, Matthæi, Isaaci, atque Christini solemnia celebrantes, Sacra menta cœlestia: præsta, quæsumus: ut quod temporaliter gerimus, æternis gaudiis consequamur. Per Dominum nostrum.

DONINICA PROXIMA POST XII.
NOVEMBRIS.

S. Stanislai Kostka Conf. Patr. R. P.

duplex.

Introitus Sap. 4.

Consummatus in brevi explevit tempora multa; placita enim erat Deo ani-

obis,
post-
mit-
nunc
ene-
n est
apil-
sunt.
ibus
bis :
me-
con-
om-
iam
e, ut
nasti
Mar-
s be-
obis
Do-
ibus
eos:
eos,
eos,
eos,
Mar-
nis,
em-
stia:
rali-
qua-
L
I
ob
P.
H
em-
DEO
ani-

anima illius: propter hoc properavit e-
ducere illum de medio iniquitatum.

Psalm. Laudate pueri Dominum: Lau-
date nomen Domini. Gloria Patri.

ORATIO.

Deus, qui inter cætera Sapientiæ tuæ
miracula etiam in tenera ætate
maturæ sanctitatis gratiam contulisti;
da quæsumus, ut B. Stanislai exemplo,
tempus instanter operando redimentes,
in æternam ingredi requiem festinemus.
Per Dominum.

Lectio Libri Sapientiæ.

Justus, si morte præoccupatus fuerit, in
refrigerio erit. Senectus enim ve-
nerabilis est non diurna, neque anno-
rum numero computata: cani autem
sunt sensus hominis, & ætas senectutis
vita immaculata: Placens Deo factus
est dilectus; & vivens inter peccatores
translatus est: raptus est, ne malitia mu-
taret intellectum ejus, aut ne fictio de-
ciperet animam illius. Fascinatio enim
nugacitatis obscurat bona, & inconstan-
tia concupiscentiæ transvertit sensum si-
ne malitia. Consummatus in brevi ex-
plevit tempora multa: placita enim erat
Deo anima illius: propter hoc prope-
ravit educere illum de medio iniquita-
tum. Populi autem videntes & non
intelligentes, nec ponentes in præcor-
diis talia: quoniam gratia DEI, & mi-
sericordia est in Sanctos ejus, & respe-
ctus in electos illius. Condemnat au-
tem justus mortuus vivos impios, &
juventus celerius consummata longam
vitam injusti.

Graduale. Desiderium cordis ejus tri-
buisti ei, & voluntate labiorum ejus non
fraudasti eum. **X.** Quoniam prævenisti
eum in benedictionibus dulcedinis. Al-
leluja, alleluja. **X.** Initio cognovi de
testimoniis tuis, quia in æternum fun-
dasti ea. Alleluja.

L

† Sequentia Sancti Evangelii secundum
Matthæum.

In illo tempore oblati sunt JESU par-
vuli, ut manus eis imponeret, & o-
raret. Discipuli autem increpabant
eos. JESUS vero ait eis: Sinite parvu-
los: & nolite eos prohibere ad me ve-
nire; talium est enim Regnum Cœlo-
rum. Et cum imposuisset eis manus,
abiit inde. Et ecce unus accedens ait
illi. Magister bone quid boni faciam,
ut habeam vitam æternam? Qui dixit
ei: Quid me interrogas de bono? U-
nus est bonus DEUS. Si autem vis ad
vitam ingredi, serva mandata. Dixit
illi: quæ? JESUS autem dixit: Non
homicidium facies, non adulterabis,
non facies furtum, non falsum testi-
monium dices; honora patrem tuum,
& matrem tuam, & diliges proximum
tuum sicut te ipsum. Dicit illi adoles-
cens: Omnia hæc custodivi a juventu-
te mea: quid adhuc mihi deest? Ait
illi JESUS: Si vis perfectus esse, vade,
vende quæ habes, & da pauperibus,
& habebis thesaurum in cœlo: & veni
sequere me. **Credo.**

Offertorium. Introibo ad altare DEI:
ad DEUM, qui lætificat juventutem
meam.

Secreta.

Angelorum pane, quæsumus Domi-
ne, Beati Stanislai nos intercessio
dignos efficiat, qui eo meruit Ange-
lica manu recreari. Per Dominum no-
strum &c.

Communio.

Cibavit illum Dominus pane vitæ, &
intellectus; & aqua sapientiæ salu-
taris potavit illum.

Postcommunio.

Ut nobis, Domine Cœlestis, quem
sumsimus, panis sit vitæ, Beato Sta-
nislao Confessore tuo intercedente, quæ-
su-

sumus, ut panis sit intellectus, & potus aqua sapientiae salutaris. Per Dominum nostrum.

DIE XV. NOVEMBRIS.

S. Gertrudis Virg. Abbatissæ, **duplex.**
Missa in Missali suo ordine.

DIE XVII. NOVEMBRIS.

S. Salomeæ Virginis Reginæ Haliciæ.
duplex.

Missa. Dilexisti. De Communi Virginum.

ORATIO.

DEUS, qui in Beata Salomea terreni regni contemptum cum virginitatis candore in connubio sociasti; concede nobis quæsumus, ut ejus exemplo tibi casto & humili corde servientes, immarcescibilem coronam gloriae in cœlis consequi mereamur. Per Dominum nostrum.

DIE XIX. NOVEMBRIS.

S. Elisabeth Vid. **duplex, suo ordine**
in Missali.

F I N I S.













Biblioteka Jagiellońska



str0031890



